


**TRUTH
CENTERED
TRANSFORMATION**

MODULE 2



Umbuso WaNkhulunkhulu Umcondzisi wathishela

Ingucuko Legcile Ecinis weni – Limojula lesibili (2): Umbuso waNkhulunkhulu Copyright ©2020 umbalo wesine (4). Reconciled World, Phoenix, Arizona, United States of America. www.reconciledworld.org
Lomsebenti wentiwe watfolakala ngephansi kwemigomo yeCreative Commons Attribution-ShareAlike 3.0 license. Uvumelekile futsi uyakhutsatwa kutsatsa lomsebenti ngekutikhetsela, nekuwukopa/ kuwandzisa, unikete labanye bantfu, nekuwusakata nganayi imigomo lelandzelako:

Lizinga – lizinga lalomsebenti kufanele lifake ekhatsi nati tinkhulumo: Copyright © 2012. Published by the Reconciled World (www.reconciledworld.org) under terms of the Creative Commons Attribution-ShareAlike 3.0 license. For more information, see www.creativecommons.org.

Awusiko wekwakha limalil – ungawusebentisi lomsebenti ngenjongo yekwakha imali.



Umangabe unesifiso sekuba yincenye yalomsebenti, uyacelwa kutsi usitsintse lapha info@tctprogram.org.
Konkhe kufunvwa nemibhalo lesebentisiwe, ngaphandle kwalapho kushiwo khona, itsatselwe eBhayibhelini Lelingcwele , New International Version®, NIV®. Copyright ©1973, 1978, 1984, 2011 by Biblica, Inc.TM Used by permission of Zondervan. All rights reserved worldwide. www.zondervan.com The “NIV” and “New International Version” are trademarks registered in the United States Patent and Trademark Office by Biblica, Inc.TM

Usesengakacali

Kulungiselela Kufundzisa Lesifundvo

1. Fundza ngekunaka **lomcondzisi wathishela**, emahlandla uma kungenteka. Bhala emaphuzu lamcoka eceleni kwalomcondzisi likhasi ngalinye wentele kutikhumbuta.
2. Buka imicondvo leyingcikitsi kusinye nangasinye sifundvo kuze wati kutsi bafundzi kufanele bafundze ini kuleso sifundvo.
3. Fundza yonkhe imibhalo/emavesi laniketiwe kucala.
4. Nakisisa kutsi yini lokudzingekile kutotokhe tifundvo bese wenta siciniseko kutsi ulungiselela bafundzi leto **tinsita** (bobhulwana) uphindze wakhe leto tinsita titfombe letitosebenta kuleso sifundvo .
5. Yenta siciniseko kutsi uyatetayeta nako konkhe **lokwentiwako** kulesifundvo (yiba lihlahlandlela lalemidlalo, tinsita titfombe). Ungacala udlale ekhaya nemndeneni wakho noma bangani kutilungiselela.
6. Tsatsa sikhatsi lesanele uthandaze kute Nkhulunkhulu alungiselele bafundzi, kuze bafundzi beve loko Nkhulunkhulu lafuna bakuve, futsi atosita nanawe ukhone kufundzisa. Khumbula kutsi kungemandla aNkhulunkhulu kubona bantfu baguculwa.

Tecwayiso Letisitako Kuze Ufundzise Kahle

1. Sheshe ufike ulungise kahle emabhuku akho ekufundzisa nakokunkhe lotakusebentisa kuleyo ndzawo.
2. Ungagijimi ujake kucedza usafundzisa. Hlela sikhatsi lesanele sekucocisana kulesifundvo, imidlalo kanye nelikhefu. Injongo kutsi bantfu babe nesikhatsi sekucondza baphindze babe yincenye yekufundza kusachutjekwa. Fundzisa ngelitubane lelicinisekisa kutsi bafundzi bacondze sifundvo sihloko ngesihloko. Lamanye emamojula angatsatsa sikhatsi lesengetekile noma lilanga lonkhe.
3. Buyela emuva ngasosonkhe sikhatsi. Uma ucala sifundvo ngasinye buyela emuva kuloko lase bakufundzile bafundzi kuwo onkhe ema mojula. Kuphindzabindza kusita bafundzi kutsi bakhumbule loko labakufundzile.
4. Landzela umcondzisi wathishela nalawo maphuzu lowabhalile usatilungiselela.
5. Yenta siciniseko kutsi uyatifaka tonkhe tinhlangothi totine tesifundvo.
 - a. Yetfula sihloko – imisebenti letakwentiwa letsintsana nalesihloko itabachumanisa nelwati lwabo lwemphilo.
 - b. Niketa lwati lolusha – tinyenti tindlela letinsha tekuhlephula lwati.
 - c. Niketa bafundzi labangakwenta ngaloko labakufundzile – kusebenta nalabanye kubenta bacondze kancono, cambia lokutsi, noma usebentise lwati lolusha ngalinye indlela.
 - d. Chumanisa lolwati netimphilo tabo – Leti tigaba letisita bafundzi batikhethese tindlela labatosebentisa ngayo lwati lolusha lasebalufundzile emphilweni yabo. Kufundza utfole lwati bese awulusebentisi akusiti ngalutfo kulite futsi akuyiletsi ingucuko.
6. Buketa imigomo yekufundza kwalabadzala nalamanye emakhono lafundziswa labo labacechesha bantfu.
 - a. Niketa sitfombe lesicacile
 - b. Buta imibuto levulekile lengenasijubo (imibuto lengadzingi imphendvulo letsi yebo/cha)
 - c. Babonge bantfu ngetaba labatentako
 - d. Ungabatjeli bantfu tintfu labangatifundza kancono ngekutikhandla batifunele bona lwati
 - e. Yakhela etikwaloko bantfu labakwatiko utfole kutsi bafundzeni emphilweni
 - f. Yiba nesineke ubamele bantfu baphendvule
7. Bakhutsate kutsi bonkhe babe yincenye yakokunkhe lokwentiwako, bahlephule baphindze baphawule kuko konkhe lokudzingidvwako. Tfoli indlela ukhutsate ngesineke labo labanemahloni babe yincenye ngaphandle kwekuhlazeka.
8. Thandaza lusuku lonkhe kutsi Nkhulunkhulu embule lokusha kuwe nakubafundzi.

Uwusebentisa Kanjani Umcondzisi Wathishela

1. **Imicondvo lemcoka kanye naloko kwekusebenta:** sonkhe sifundvo sicala nganayi incenye.
 - a. **Imicondvo lemcoka** – Lena yimicondvo lebaluleke kakhulu lokumele umfundzi ayicondze ngalokucacile ekugcineni kwasosonkhe sifundvo. Ekugcineni kwesifundvo tinikete sikhatsi sekubuketa kuze ube nesiciniseko kutsi bafundzi bayayiva lemicondvo.
 - b. **Tinsita**- Tinsita letehlukene letidzingekile tiniketiwe luhla lwato kusosonkhe sifundvo. Ungatikhetsela kuniketa umcondzisi webafundzi lophelele noma wakhe lelingene ngekusho kwesifundvo ngasinye. Uma ungasebentisi umcondzisi wemfundzi, ungabhala emavesi nemibuto ebhodini noma ubhale epheshaneni sigungu ngasinye. Siyakukhutsata kuba nelibhodi noma lapho ungabhala khona utokhona kusebenta nesigungu lesikhulu.
 - c. Umcondzisi wathishela utakukhomba uma kufanele usebentise naku:
 - i. **Umcondzisi wemfundzi** – utotfolo kubhalwe kanjena.
 - ii. **Insita titfombe** – utotfolo kubhalwe kanjena.
2. **Ticondziso Tathishela:** kunemiyalo lemcoka kulesifundvo letakusita uhole lesifundvo kahle. Loku akusiko longakuhlephulela bafundzi. Fundza loku kucala usalungiselela tinkhulumo nemisebenti. Leminye imibuto utakuba netimphendvulo letibhalwe ngendlela leyehlukile legcizelelako kusita wena loholo sifundvo ubone leyomicondvo lokumele uyigcizelele kumfundzi. Leti akusito tona todvwa timphendvulo letikahle kepha nguletinye taletikahle.
3. **Kucaphela sikhatsi nendlela sifundvo lesichubeka ngayo:** Sikhatsi asikabekwa kusinye nalesinye sifundvo.
 - a. Tinikete sikhatsi lesanele kusita bafundzi babambe kahle umcondvo wesifundvo. Kumcoka kucikelela kutsi bafundzi batfole loko lokumele bakufundze kunekujaka kucedza ngesikhatsi lesibekiwe.
 - b. Khumbula kuhlela sikhatsi sekutsi labo labahlele/labaphetse tifundvo bacale ngekuthandaza, bufakazi, kubonisana ngetingcinamba labangahle babhekane nato, thandazani kanyekanye.

Sifundvo Sekucala (1): Umbuso WaNkhulunkhulu

Ingcikitsi Mcondvo

Umbuso waNkhulunkhulu unoma ngabekukuphi lapho Jesu Khrestu ayiNkhosi nemiyalo yakhe ihlonishwa ilandelelwe. Umbuso uyakhula uma bantfu labanengi beta ndzawonye bahloniphe Nkhulunkhulu baphindze bente ngalokuphelele loko lakushoko.

Sisebentisa ini: Kute

Yini Umbuso waNkhulunkhulu?

KUBHUNGA KWESIGUNGU LESIKHULU

Uma Jesu asese mhlabeni, walikhuluma licebo/injongo yakhe. Licebo lakhe livetwa emahlandla langemashumi layimfica nesiphohlango (98) evangelini lelisha. Jesu utsi ngiso kanye sizatfu lesiphelele latfunyelelwa sona, waphindze naye watfumela bafundzi bakhe kutsi nabo bafundzise ngaso. Pawula wakhuluma ngaso, natsi siyakhutsatwa kutsi sisithandazele.

- Ngabe uyati yini kutsi ngusiphi?

KUBHUNGA KWESIGUNGU LESINCANE

Fundza nawa emavesi lalenzelako bese uphendvula lemibuto:

- Matewu 10:5-8 – Jesu wabatfumela bafundzi kutsi bafundzise ngani?
- Lukha 4:43 – Abetfunyelwe leni Jesu?
- Imisebenti 1:3 – Jesu wafundzisa ngani ngesikhatsi sekusele emalanga langemashumi lamane asemhlabeni?
- Imisebenti 28:30-31 – Bekafundzisa ngani Pawula?

ASILETSENI UMBIKO

Luhlelo lwa Nkhulunkhulu lusakhiwo sembuso wakhe. Njengobe sibona kulamavesi, Lena ngiyona ngcikitsi mbono Jesu kanye naPawula labawufundzisa. Ecinisweni, ngsona sihloko Jesu lafundzisa ngaso emalangenani lamashumi lamane ekugcina asesemhlabeni. Empheleni uma wati kutsi usalelwe ngemalanga lamashumi lamane ekufundzisa bantfu, vele kusobala kutsi loko lokufundzisa kumcoka kakhulu. Kufaneleke loko kube mcoka nakitsi. Kephake, labanengi betfu abacondzi lesigamu lesitsi “Umbuso waNkhulunkhulu.”

KUSEBENTA NGABABILI

- Ungawuchaza kanjani Umbuso waNkhulunkhulu kuloyo losandza kusindziswa?

ASILETSENI UMBIKO

Umbuso waNkhulunkhulu empheleni akusiko lukhuni kuwuchaza. Umbuso waNkhulunkhulu kunoma ngabe kukuphi lapho Jesu Khrestu ayiNkhosi khona kuphindze kuhlonishwe kwentiwe/ kulandzelelwe imiyalo yakhe. Lapho khona sibona bantfu bahamba ngekuhlonipha Nkhulunkhulu baphindze balandzele tinjongo takhe, laphoke ngulapho kunencenye yembuso waNkhulunkhulu. Umbuso waNkhulunkhulu ngeke ute ngalokuphelele Jesu asengakabuyi futsi laphoke konkhe kuyawuba kusha sesingekho nesono.

Jesu iNkhosi Yetfu

KUBHUNGA KWESIGUNGU LESIKHULU

- Kepha iNkhosi yenta njani?
- Ucabanga kutsi Jesu uyafana nanome nguyiphi inkhosi yemhlaba? Ufana ngani? Wehluke ngani?

Jesu uyiNkhosi YELUTSANDVO. Wati tonkhe tintfo. Unemandla onkhe; Wadala umhlaba ngekuphelela kwawo. Unelwati loluphelele; Uyati kutsi konkhe kusebenta njani kancono. Ufuna lolokungiko ngalomhlaba natsi sonkhe lesikiwo. Imitsetfo yakhe ngeyekutsi konkhe kube kuhle ngatsi.

Lalela nayi indzaba ngeNkhosi yakucala yase Thailand.

I Thailand live lelibuswa yinkhosi! leNkhosi yakucala, iNkhosi Bhumibol Adulyadej, bekuyiNkhosi lekahle kakhulu futsi ibatsandza bonkhe bantfu. Noma nje sekakhotsama, bantfu solo bakhuluma ngaye ngenshisekelo lenkhulu. Abetsi uyawutsandza umbala lomtfubi, ngakoke bantfu bebagcoka tikibha letimtfubi njalo uma kungumsombuluko. Umkakhe abetsandza umbala lophaphuli, ngako bantfu bebembatsa tikibha letinjalo ngabo lesihlanu. **Bebamutsandza kakhulu** lokusho nje kutsi utsandza umbala kwakushisekela bantfu kutsi bembatse lowo mbala.

Kulesinye sikhatsi ekubuseni kwakhe, emasotja atsatsa ngendluzula umbuso wase Thailand. Kwaba nekulwa etitaladini. Labesekela umbuso balwa nalabo labesekela emasotja. Bonkhe bantfu bebacikelele kutsi kutawuba matima kakhulu. Yase iyakhuluma iNkhosi. Watjela bonkhe bantfu kutsi akume kulwa kulungiselelwe lukhetfo. Kulwa kwavele kwema khona ngaleso sikhatsi. Akekho lowake wabuta inkhosi umbuzo; bavele benta njengekusho kwenkhosi. Noma bebasetfukutsele, azange kubendzaba yamuntfu. iNkhosi bese ikhulumile futsike kulalela ujabulise inkhosi kwakungiko lokumcoka kunekulalela imizwa yabo.

- Sifiso seNkhosi sakwengama njani kwenta kwabo?
- Ikhona yini inkhosi loyatiko lenjengalena?
- Kwentwa yini kutsi labantfu bayilalele leNkhosi? Bekwentwa kwesaba yini noma lutsandvo?
- Kepha iNkhosi Jesu siyihlonipha njengebantfu base Thai bahlonipha iNkhosi yabo yini? Siyakhatsalela yini kumjabulisa ngakokunkhe kwenta kwetfu?

Siyincenye yembuso waNkhulunkhulu, Jesu uyiNkhosi yetfu. Sifuna kujabulisa iNkhosi yetfu Jesu Khrestu siphindze sente konkhe latsi sikwente ngendlela lefanako nebantfu base Thai bajabulisa inkhosi yabo. Uma bantfu base Thailand batsandza inkhosi yabo kangangekutsi bantfu bativale baphoceleleka kugcoka umbala ngobe lowombala utsandvwa yinkhosi yabo, pho timphilo tetfu betingeke yini tiguculwe ngelutsandvo lwetfu lweNkhosi Jesu?

Lubito LwaNkhulunkhulu Lwekwakha Umbuso Wakhe

KUBHUNGA KWESIGUNGU LESIKHULU

Fundza Matewu 6:9-10

- Yini Jesu latsi asiyithandazele?
 - *Kutsi uMbuso wakhe ufike nentsandvo yakhe yentiwe.*

Nkhulunkhulu ufuna kwakha uMbuso wakhe lapha emhlabeni. Timbili tindlela lesingakha ngato uMbuso waNkhulunkhulu.

1. Kukhulisa linani lebantfu eMbusweni waNkhulunkhulu ngekutsi bantfu basindziswe.
2. Ngekutsi sibone bantfu benta intsandvo yaNkhulunkhulu ngelizinga lelikhula njalo njalo.

Uma sifuna kubona intsandvo yaNkhulunkhulu yenteka kakhulu, kumele sibone bantfu labanyenti basindziswa baphindze balalele bente lokushiwo nguNkhulunkhulu, futsi kumele siphile njengobe Nkhulunkhulu asihlelele

kutsi siphile KUTOTONKHE tinhlangothi tekuphila kwentfu. Sisachubeka nalokuceceshwa sitobuka sijule inkonzo yekuvangela. Kepha kwanyalo kumcoka kutsi sikhumbule sidzinga kuhlephula tindzaba letimnandzi ngajesu nalabo labasengakabi ngemaKhrestu.

Lubito LwaNkhulunkhulu Kutsi Simhloniphe Kutotonkhe Tintfo

KUBHUNGA KWESIGUNGU LESIKHULU

Fundza baseKholose 3:17 na 1 baseKhorinte 10:31.

Nkhulunkhulu ufuna simujabulise siphindze simuhloniphe tonkhe tikhatsi. Lamavesi asitjela kutsi, konkhe lesikwentako, kumele sikwentele kuniketa Nkhulunkhulu inkhatimulo. Omabili lamavesi ayesekelana ngemcondvo 'wako konkhe lesikwentako.' Kubase Kholose: 'futsi **kukokongke** lokwentako, noma ngabe **kukhuluma noma kwenta**, yentani konkhe ngelibito leNkhosi Jesu, ninike Nkhulunkhulu kubonga ngaye Jesu.' Kubase Khorinte: '**ngakoke noma niyadla noma niyanatsa noma nenta ini lenikwentako**, kwente kuze akhatimuliswe Nkhulunkhulu.' Pawula uphindza phindza loku ngobe ufuna sicondze kutsi KUKOKONGKE kumele siletse inkhatimulo kuNkhulunkhulu.

- Ucabanga kutsi singamunika njani Nkhulunkhulu inkhatimulo ngendlela lesidla ngayo?
 - *Dlani ngenjabulo ubonge, musa kutitila. Bonga Nkhulunkhulu ngaloko lonako.*
 - *Kutsatanani nidadla*
 - *memani labanye lokungenteka kutsi abanako lokwenele noma badzinga kukhutsatwa kutsi badle kanye nani*
 - *Yenta siciniseko kutsi lokudla lokukhona kuphakululwa ngekwenetisana kumalunga emndeni*

KUSEBENTA KWESIGUNGU LESINCANE

Ticondziso Tathishela: Dweba lelithebuta lelilandzelako ebhodini. Buketani ndzawonye letibonelo letimbili tekucala. Bese nisebenta nabobonkhe bafundzi kanyekanye nisho leminyane imisebenti ibelishumi (10) lefanana nalena. Yehlukanisa bafundzi babe tigungu letincane bese uniketa ngasinye sigungu leminyane yalemisebenti bayikhulumise kutsi bangabhala ini kulelithebuta ngephansi.

Kuyo yonkhe lemisebenti cabanga naku:

- Nguyiphi indlela lecishe ifanane yebantfu labenta lomsebenti?
- Ungawenta kanjani wena kuze uletse inkhatimulo kuNkhulunkhulu?

Umsebenti	Indlela Levamile	Imetamo Yekuletsa Inkhatimulo kuNkhulunkhulu ngemuso
Kuhlanta titja Netimphahla	<i>Kwentiwa Ngekushesha nekutitila</i>	<i>Ngitakwenta umsebenti loncomekako kutenta tihlanteke ngalokufanele. Ngitawu hlabelela ingoma ngidvumise Nkhulunkhulu, ngimbonge kutsi ngiyakhona kusebenta, nekutsi lomsebenti ungewakhe.</i>
Kuhlakula Emasimini	<i>Lukhula lolunengi lushiywa lungakahlakulwa ngobe labanengi batsi ngumsebenti lolukhuni. Bantfu imvamisa bayephuta kucala baphindze bangawucedzi lomsebenti.</i>	<i>Ngitawusheshe ngicale futsi ngitaluhlakula LONKHE lolukhula. Ngitawuhlabelela ingoma kuNkhulunkhulu ngichubeke ngisebente ngitfokotele kutsi ngentele Nkhulunkhulu nemndeni wami umsebenti lomuhle umndeni wami naNkhulunkhulu.</i>

Sephetfo

Jesu yiNkhosi yetfu. Unelutsandvo, unemandla, uyiNkhosi lehlakanihile. Ufuna lokuhle kubantfu bakhe. Njengebalandzeli bakhe ufuna silalele sente timiso takhe kutotonkhe tinhlangotsi tekuphila. Lesinye saletimiso kutsi sim'nikete inkhatimulo kukokunkhe lesikwentako.

ASESIBUTE WENA

Buketa loluhla lwemisebenti yemalanga onkhe. Khetsa imisebenti lemibili lofuna kunika ngayo Nkhulunkhulu inkhatimulo. Tinikele usebente kuletonhlangotsi tinyanga tibembalwa letilandzelako.

UMTHANDAZO

Tinikete sikhatsi uthandaze kutsi Nkhulunkhulu asisite sakhe umbuso wakhe sente konkhe lesikuhlelile.

Sifundvo Sesibili (2): Lisiko LeMbuso

Ingcikitsi Mcondvo

Libhayibheli lisifundzisa kutsi kufanele siphile njani njenge bantfu baseMbusweni.

Tinsita

1. Umcondzisi wemfundzi: Lithebula lekusebentela lesisindvo seMbuso (niketa loku tonkhe tigungu ngasinye)

Funa Kucala Umbuso WaNkhulunkhulu

KUBHUNGA KWESIGUNGU LESIKHULU

Fundza Matewu 6:25-33.

- Bebakhatsateke ngani labantfu?
- Tintfo taMoya noma tintfo tenyama letetayelekile nje?
- Kwaba nguyiphi imphendvulo yaJesu?
- Ucabanga kutsi Jesu abesho kutsini? singawufuna njani uMbuso waNkhulunkhulu kutotonkhe tintfo?

Kuyadzidzana uma ucabanga uve kutsi bantfu beta kuJesu bamtjela ngekukhatsateka kwabo kwekudla nekunatsa, bese Jesu ubaphendvula utsi, 'Funani kucala umbuso waNkhulunkhulu.' Kusho kutsini loku? Ngabe kusho kutsi asingacabangi ngaletotintfo, kepha sicitse sonkhe sikhatsi setfu senta tintfo taMoya njengekuthandaza? Uma kunjalo, kutawuba ng'yonaphilo lengiyo yini lena?

Sinenhlanhla tsine ngobe kunemuntfu lowaphila imphilo lengiyo wenta intsandvo yaNkhulunkhulu ngaso sonkhe sikhatsi: Jesu (Johane 14:31). Lenye yetindlela lesingati ngayo kutsi siwufuna njani uMbuso waNkhulunkhulu kutsi sinake imphilo yakhe Jesu.

KUBHUNGA KWESIGUNGU LESINCANE

Akesibuke nawa emavesi. Asifundzisa ini ngencenye yetintfo Jesu latentata?

- Makho 6:3 – Jesu abengumbati.
- Johane 21:9-14 – Jesu waphekela bafundzi kudla.
- Makho 1:35 – Jesu wathandaza ayedvwana.
- Makho 4:38 – Jesu waphumula.
- Johane 2:1-2 – Jesu waya emshadweni.
- Makho 2:15 – Jesu wadla endlini yemngani. (*nebantfu labanengi bebakhona khona lapho Bekulidzili.*)
- Matewu 14:14 – Jesu waphilisa bantfu.
- Makho 1:39 – Jesu wahamba, wafundzisa, waphindze wakhipha emadimoni.

Jesu wenta konkhe kusukela ekufundziseni ticuku kupheka kudla kwebafundzi nekuba ngumbati. Kutotonkhe letikhatsi abebakhomba imphilo lengiyo, hhayi nje uma afundzisa noma aphilisa bantfu kuphela. Akuzange sekubekhona sikhatsi emphilweni ya Jesu lapho khona aphila imphilo yakhe ngaphandle kwentsandvo yaNkhulunkhulu.

Sisetama 'kufuna kucala uMbuso waNkhulunkhulu', akusho kutsi siyathandaza nje sonkhe sikhatsi noma sishumayeke nje. Kusho kutsi senta tonkhe tintfo ngendlela letawujabulisa Nkhulunkhulu siletse kuye inkhotimulo.

Umtfombo Wetfu

KUBHUNGA KWESIGUNGU LESIKHULU

- Singafundza kanjani kuphila ngendlela lejabulisa Nkhulunkhulu?
 - *Libhayibheli!*

Kulesinye sikhatsi uma sitsenga intfo letsite lenesisindvo, Sitfolo bhukwana losifundzisa kutsi lentfo isetjentiswa kanjani. Lobhukwana usuke abhalwe ngulenkhamphani leyakhe loko losuke ukutsengile. Bayati kutsi lentfo isebenta njani kuze ikunikete umphumela lomuhle futsi isebente sikhatsi lesidze ingakafi. Umasifuna umphumela lomuhle kuloko lesikutsengile kukahle kutsi sifundze lobhukwana.

Kuyafanake nakuNkhulunkhulu. Wahlela umhlaba wase uyawudala. Wasihlela natsi wase uyasidala. Nkhulunkhulu uyati kutsi umhlaba udalwa kanjani ngelicophelo lelisetulu kanye netimphilo tetfu, wabeseke sewubhala lencwajana yemiyalo. Ibitwa ngekutsi libhayibheli. Ngekhatsi kuyo usitjela kutsi kufanele siphile kanjani kutotonkhe tinhlangotsi tekuphila kwetfu. Libhayibheli linemiyalo yonkhe nenhlakanipho yonkhe yekuphilisa umhlaba nemimango yetfu lese yephukile nalebhubhako. Kufanele sifundze, sicondze, bese siyenta loko lokubhaliwe kutotonkhe tinkhalo tekuphila kwetfu uma sifuna imphilo lengiyo futsi uma sifuna kubona lushintjo emimangweni yetfu.

KUBHUNGA KWESIGUNGU LESINCANE (Akukaphocelelwa)

- Nguyiphi leminyane imiyalo, Imitsetfo, Noba kuphokelela lokubonile ebhayibhelini?
- Ucabanga kutsi lemiyalo ingaba mihle kanjani kitsi?

ASIBUYISENI UMBIKO

Kwenta libhayibheli kuto tonkhe Tinhlangotsi Tekuphila Kwetfu

Nkhulunkhulu usinikete libhayibheli, Lelisitjela kutsi kufanele siphile njani ngendlela letojabulisa Nkhulunkhulu. Uma sitolalela Nkhulunkhulu sente loko lakushoko kuto tonkhe tinhlangotsi tekuphila kwetfu, Kufaneleke sicondze loko libhayibheli lelisifundzisa kona. Kufanana kanjani noma kwehluke ngani emasikweni nemihambo yetfu? Kudzingeka sitati tindlela taNkhulunkhulu uma sitokwakha umbuso waNkhulunkhulu lapha emhlabeni.

UMSEBENTI WETIGUNGU LETINCANE

Ticondzo Tathishela: *Cala ngekwenta umusho wekucala njengesibonelo sabobonkhe bafundzi . Bese ayabahlukanisa babetigungu letincane Niketa sigungu ngasinye imisho lemitsatfu kuya kulemine (3 – 4) basebente ngayo kuze batekwati ,uma basheshe bacedze , bangaphindze bakhetsa leminyane imisho bayigcwalise .*

Gcwalisa lelithebula **KUMCONDZISI WEMFUNDZI**. Kukokokhe cabanga kutsi lisiko lakho livame kutsini ngakunye. Bese ubuka lamavesi ubone kutsi libhayibheli lona litsi kumele sente kanjani.

ASIBUYISENI UMBIKO

Tingacedza letigungu letincane, buketa kulelithebula lilayini ngelilayini, bese letigungu letigcwalisa lelilayini tiyahlukaniselana.

Sisindvo	Livesi	Lisiko/ Umhambo Wetfu	Umbuso waNkhulunkhulu
Kufanele batiphatse njani Baholi	Matewu 20:25-28	Bantfu bakhonta baholi. Labaholi balawula bantfu kutsi abente ini.	Baholi bakhonta bantfu
Kufanele Singemadvodza Sitiphatse njani	baseKholose 3:19 1 Pethro 3:7 Ephesians 5:25, 28, 33		
Kufanele Sitiphatse Njani Sibafati	Genesis 2:18 BaseFesu 5:22-24, 33		
Kufanele Sibaphatse Njani Bantfwana	Tihlabelelo 127:3 BaseFesu 6:4		
Baphatfwa Njani bantfu	Matewu 22:36-40 Lukha 10:25-37		
Tiphatfwa njani tilwane	Lukha 6:27-31		
Siwutsatsa Njani Umsebenti	BaseKholose 3:22-4:1 Basefes 6:7-8		
Siyitsatsa Njani Indalo	Tihlabelelo 24:1 Genesis 1:28-30 Genesis 2:15		
Intfo lemcoka Kakhulu	Matewu 6:25-34 Matewu 22:36-40		
Sikutsatsa Njani KufaneSifo	Johane 11:25-26 Emahebheru 2:14-15 Sambulo 1:17-18		
Sititsatsa njani timo letilukhuni / kuhlupheka	Lukha 6:22-23 2 baseKhorinte 1:8-11		

KUBHUNGA KWESIGUNGU LESIKHULU

- Ng’Kuphi kuloku bekufanana esikweni lakho kanye nembuso waNkhulunkhulu? Ng’kuphi bekwehlukile?
- Tikhona yini letinye tindzawo lapho ucabanga khona kutsi lisiko naloko lokushiwo libhayibheli kwehlukile?
- Singatigucula njani timphilo tetfu kuze tibonakalise loku libhayibheli lelitsi kufanele sikwente?

Siphetfo

Tinyenti tintfo letinhle ngemasiko etfu. Lamanye emasiko afundzisa bantfu kutsi bakhonte labanye, lamanye afundzisa ngebumcoka bemndeni nekunakekela bantfu labandzala. Lamanye akhutsata kutsi sisebente ngekutimisela futsi sisebentise kahle loko Nkhulunkhulu lasiphe kona. Kepha ke onkhe emasiko anetindzawo lapho khona angakasimi ebhayibhelini futsi akahambisani nalo. Uma sifuna kulalela sente loko lokushiwo nguNkhulunkhulu, kufanele sibuke tindzawo lapho khona libhayibheli lehluke khona nemasiko etfu. Yetama kucabanga kutsi ungafanana njani naloko lokufundziswa libhayibheli singalandzeli nje emasiko etfu kuphela.

Ase uphindze ubuke lelithebula lesilentile ngasemuva; ikhona yini indzawo noma letimbili lapho ungezama kugucula khona yakho imphilo?

Sifundvo Sesitsatfu (3): Kucondza umsebenti Ugekwesibhayibheli

Umcondvo lomcoka: Tonkhe tinhlobo temsebenti tingamuniketa Nkhulunkhulu inkhatimulo. Kufanele sente imisebenti yetfu ngekumhlonipha Nkhulunkhulu.

Tinsita

1. Umcondzisi wemfundzi: Kucondza imibuto letsatselwe ebhayibhelini ngemsebenti

Singeniso

KUBHUNGA KWESIGUNGU LESIKHULU

- Umsebenti utsatseka umuhle yini noma cha?
- Ngutiphi letinye taga letikhona ngelulwimi lwakho ngemsebenti?

Fundza Genesis 1:28.

- Nguyiphi imiyalo yekucala yaNkhulunkhulu ku Adam?
- Lokukwenteka ngaphambi kwekutsi Adam ente sono sekudla sitselo noma bese asidlile sitselo?

Fundza Genesis 2:2.

- Nkhulunkhulu waphumula ekwenti ini?

Fundza Mark 6:1-3.

- Kwakuyini umsebenti waJesu ngaphambi kwekucala kufundzisa?

Njengobe sibona kulamavesi, Nkhulunkhulu wasebenta, ngako natsi njengoba sakhiwe ngemfanekiso wakhe, sakhelwe kusebenta. Kusukela ekucaleni, sono sisengakangeni emhlabeni, umuntfu bekasebenta.

Kuhlonipheka Kwemsebenti

Encwadzini yaRuth, sifundza kutsi Ruth uphunyula endlaleni namaketala wakhe uswele kakhulu. Babuyela kaMoabi ngobe bebevile kutsi kwakukhona kudla khona. Ruth watfola umsebenti wekusebenta ensimini ya Boaz, Wamujabulela kakhulu Boaz kube eve kutsi Ruth wamentela ini unina tala.

Fundza Ruth 2:15-16.

- Wentani Boaz kusita Ruth?
- Ucabanga kutsi leni Boaz angazange aphe Ruth kolo/fulawa?
 - *Ngobe sihlelelwe kutsi sisebente, ngaloko sitfola kuhlonipheka ngekusebenta kunekutsi sihlalele nje kuphiwa. Ngako ngekwenta loku, Boaz waniketa Ruth kuhlonipheka.*

Nkhulunkhulu Ufuna Sisebente Ngekukhutsala

KUBHUNGA KWESIGUNGU LESINCANE

Ticondziso Tathishela: Sebentisa **UMCONDZISI WEMFUNDZI** kulengcogco yemibuto yesigungu lesincane.

Ngutiphi letinye tizatfu tekusebenta? Fundza lamavesi lalandzelako nemcondvo longase ubenawo sisachubeka nalesifundvo.

- 1 BaseTheselonikha 4:11-12 – imphilo yakho itawuzuza kuhlonishwa ngulabanye futsi angeke uncike kusitwa bantfu.
- 1 Thimothi 5:8 – Kuze ukhone kunakekela umndeni wakho.

- BaseFesu 4:28 – Kuze ube nelutfo lwekupha labo labadzingile.

ASILETSENI UMBIKO

KUBHUNGA KWESIGUNGU LESIKHULU

- Ucabanga kutsi kuyinjongo yaNkhulunkhulu yini kutsi sisebente?
- Nguyiphi nje indlela levamile bantfu labatsatsa ngayo umsebenti?
- Nguyiphi indlela wena locabanga kutsi kumele sitsatse ngayo umsebenti?

Nkhulunkhulu ufuna kutsi sonkhe sisebente. Nangesikhatsi sono sisengakefiki emhlabeni Adam waniketwa umsebenti wekunakekela insimu. Uma sisebenta, Siyakhona kunakekela imindeni yetfu siphindze sibesibusiso kulabeswele esontfweni. Umsebenti uletsa kuhlonipheka uphindze wente sikhontane ngemakhono lesinawo.

Tonkhe tinhlobo Temsebenti Tiletsa Ludvuma kuNkhulunkhulu

KUBHUNGA KWESIGUNGU LESIKHULU

- Ngekwemasiko etfu,ikhona yini imisebenti lehloniphekile kunaleminye? Kwentiwa yini ihlonipheke noma ibemcoka?
- Kepha hlobo luni lwemsebenti Nkhulunkhulu laluniketa Adam? (*Kusebenta ensimini nekwetsa tilwane emagama - Genesis 2:15-20*)
- Msebenti muni Nkhulunkhulu lawuniketa Noah? (*weKwakha umkhumbi - Genesis 6:13-14*)
- Msebenti muni Nkhulunkhulu lawuniketa Gidion? (*Kuhola imphi yaka Israeli iyokulwa netitsa- Tikhulu 6:14*)
- Msebenti muni Nkhulunkhulu lawunika Mosi? (*Kukhipha bantfwana baNkhulunkhulu eGibhithe - Exodus 3:10*)
- Ucabanga kutsi Nkhulunkhulu ngabe wabajabulela yini bonkhe laba kube bahola libandla noma bashumayela esikhundleni sekwenta lomsebenti labanikete wona kutsi bawente?
- Ucabanga kutsi Nkhulunkhulu wababukela phansi yini noma akabakhandzanga bamcoka fana nebaPriesti? Sibonelo nje, umsebenti waMosi' wawungakabaluleki kunewa Aroni?

Lomcondvo wekutsi leminye imisebenti ihloniphekile leminye iphansi awutfolakali ebhayibhelini. Lomcondvo lona bewuyincenye yelisiko lemaGreek lowawubusa emaKhrestu kwaze kwefika sikhatsi sekukhanya. Ema Greek bekakholelwa kutsi tintfo takaMoya tiphakeme futsi ngito letihloniphekile kuNkhulunkhulu kepha letinye tintfo betedzelelekile futsi tingakabaluleki kuNkhulunkhulu.

Kephake, loku akusilo liciniso ebhayibhelini. Libhayibheli licala ngaNkhulunkhulu adala emazulu kanye nemhlaba. Encwadzini ya Genesis 2:8 sibona Nkhulunkhulu ahlanyela insimu. Sisasebenta emasimini, asikhumbuleni kutsi Nkhulunkhulu waba ngumlimi wekucala. Senta loko Nkhulunkhulu lakwenta iminyaka leminyenti lesemuva. Njalonjalo Nkhulunkhulu ubita bantfu kutsi bamkhonte ngetindlela letehlukahlukene. Usaba ngumshumayeli noma Umvangeli loko ngumsebenti lohloniphekile, kanjalo nekusebenta engadzini, kuba ngumlimi, kuba ngumbati, noma thishela. Asidzingi nje bantfu kusifundzisa ngetaka Moya kepha nalabo labatolima sibenekudla, sidzinga bomakhi sitokwati kulala etindlini, nekufundzisa bantfwana betfu.

Umnaketfu Lawrence

KUBHUNGA KWESIGUNGU LESIKHULU

Emnyakeni wa 1608 kunendvodza letsite yekutalwa kulela lase France. Wasindziswa aneminyaka lelishumi nesiphohlongo budzala, watsi ngekuhlanganisa liminyaka lengemashumi lamabili nencenye, watincumela kutsi anikele kakhulu imphilo yakhe kuNkhulunkhulu ngalokuphelele. Wangena esontfweni wahlala khona

waniketwa libito lelitsi bhuti Lawrence. Wazindla kutsi njengobe sekangene kulelisontfo leli abeyocitsa sikhatsi sakhe sonkhe kulelisontfo athandaza akhonta Nkhulunkhulu onkhe emalangala busuku nemini. Kephake, watitfoli anikwa umsebenzi wekusebentela lapho kuphekwa khona. Iminyaka lelishumi wakutondza kusebentela endlini yekuphekela babe labanye bangekhatsi endlini yekukhontela. akazange akujabulele loku, abehlala anyukubele ngalomsebenzi longesiko mcokwa kangaka.

KUBHUNGA KWESIGUNGU LESINCANE

Ticondziso Tathishela: Sebentisa **UMCONDZISI WEMFUNDZI** kulemibuto nkhumiswano yesigungu lesincane.

- Kube wahlangana na bhuti Lawrence kuleminyaka lelishumi, ngabe wambonisa watsini?
- Ucabanga kutsi umsebenzi wemnaketfu Lawrence wawungesiko mcoka yini kunalokuthandaza ngekhatsi esontfweni?
- Fundza nawa emavesi bese uyacabanga kutsi ungawasebentisa njani kulesimo:
 - 1 baseKhorinte 10:31
 - BaseKholose 3:23

ASIBUYISE UMBIKO

Emvakweminyaka lelishumi endlini yekuphekela, umnaketfu Lawrence wase uyacondza kutsi abengamkhonta Nkhulunkhulu noma kukuphi lapho akhona. **Yini bese ishintjile?** Bese ati kutsi uwente **KANJANI** umsebenzi wakhe, nendlela latsatsa ngayo umsebenzi bewungaletsa kuhlonipheka nenkhatimulo kuNkhulunkhulu!

Umnaketfu Lawrence wachubeka wasebentela endlini yekuphekela, kepha bese ativela naye asebukhoni baNkhulunkhulu khona lapho — ahlonipha Nkhulunkhulu ente loko Nkhulunkhulu lakufunako aphindze akhonte Nkhulunkhulu ngekuhlanta titja — kufanana nekutsi udvumisa Nkhulunkhulu ngekhatsi esontfweni.

Libhayibheli lisikhombisa kutsi Nkhulunkhulu unake kakhulu kutsi **sitenta kanjani tintfo hhay nje kutsi siyatenta**. Umangabe nje loko lesikwentako kungesiso sono, wonkhe umsebenzi lesiwentako ungaletsa inkhatimulo kuNkhulunkhulu.

KUBONISANA KWALABABILI

- Umangabe wonkhe umsebenzi uletsa kuhlonipheka kuNkhulunkhulu, kusiita kanjani ke loko ekucabangeni kwetfu ngemsebenzi?
- Loku kuyasita yini indlela lowenta ngayo umsebenzi wakho?

Nkhulunkhulu Uyanaka Indlela Lesenta ngayo Umsebenzi wetfu

Yebo libhayibheli alisho kutsi leminyane imisebenzi imcoka naleminyane yedzelelekile, Libhayibheli liyasitjela kutsi kumele siyisebente kanjani imisebenzi yetfu. Kuyincenye lemcoka kakhulu yekuphila kwetfu — Sicitsa emalanga nesikhatsi setfu lesinyenti sivukela sisebenta, Ngako kufanele sinake kakhulu kutsi siwenta njani umsebenzi wetfu.

KUBHUNGA KWESIGUNGU LESINCANE

Asesibuke nawa emavesi lalandzelako. Asifundzisa ini lamavesi ngemsebenzi? Ase ushwambakanye uchaze kafisha ingcikitsi mcondvo ngemusho nje ube munye ku **MCONDZISI WEMFUNDZI**.

- 2 BaseTheselonika 3:10-12 – Uma ungasebenzi, *kufanele ungadli*.
- Taga 10:4 – Tandla letivilaphako tiletsa buphuya, *kepha kukhutsala kwenta umuntfu abe yinjinga*.
- Taga 19:15 – Buvila benta umuntfu adzakwe butfongo, alambe.
- Taga Prover 21:25 – Livila litsandza kuhlala nje, ngiko loko lokuyawuletsa kufa kwalo.

Ucabanga kutsi lamavesi asifundzisa kutsi kufanele siyisebente njani imisebenzi yetfu?

- BaseKholose 3:23 – Konkhe lenikwentako, kwenteni ngenhlitiyo kube sengatsi nikwentela liNkhosi.

ASIBUYENI UMBIKO

Libhayibheli licacile ngalokusebaleni — Kufanele sisebente ngekutimisela singavilaphi. Kufanele sisebente imisebenti yetfu kube sengatsi Nkhulunkhulu ngumchashi wetfu!

KUBHUNGA KWESIGUNGU LESIKHULU

Incenye lenkhulu yemphilo ya Jesu abenguMbatl' . Ase ucabange nje sewumbona angumbati.

- Ucabanga kutsi lizinga lemsebenti wakhe lalinjani?
- Ase ucabange nje kube wawusebenta kanye naye: Bewungativela njani nje sewusebenta ndzawonye kanye na Jesu?
- Kutiphatsa kwakhe lusuku lonkhe bekungaba njani?
- Bekangenta njani uma kute lambonako (umchashi)?

Ngekufika kwekukhanya, kwaba nengucuko lenkhulu leyenteka ngendlela emakhrestu lenta ngayo umsebenti wawo. Kwekucala lapho khona, bantfu bafundza libhayibheli bafuna kwati kutsi bangalisebentisa njani emalangenzi yekuphila kwabo. Ngaleso sikhatsi, uma umbati akha litafula, bekaciniseka kutsi lingephansi lalelitafula liba lihle fana nangetulu kwalo, lombati abesebentela kujabulisa Nkhulunkhulu. Lomsebenti bebawenta ngaleso sikhatsi wawungulomunye yemibato lesezingeni lelisetulu kakhulu leyake yakhiwa.

UMSEBENTI WESIGUNGU LESINCANE

Ticondziso Tathishela: *Cela kutsi sonkhe sigungu sikhetsa umsebenti (sibonelo nje : thishela , umlimi , umpheki , losebenta kunakekela indlu noma kunakekela libala ekhaya) yakhani imidlalo lesifundvo lemibili: munye umuntfu akhombisa kusebenta lokuniketa Nkhulunkhulu inkhatimulo , lomunye ente umsebenti ngendlela lenganiketi Nkhulunkhulu inkhatimulo .*

Yenta umdlalo sifundvo wesigungu sonkhe.

KUBHUNGA KWESIGUNGU LESIKHULU

Emvakwawo wonkhe umdlalo sifundvo hlatiyani:

- Ngutiphi letinye tetindlela lobone lomuntfu aletsa inkhatimulo kuNkhulunkhulu ngemsebenti wakhe?
- Ngutiphi letinye tetindlela lobone lomuntfu angaletsa inkhatimulo kuNkhulunkhulu ngemsebenti wakhe?
- Kungaba nguyiphi leminyane imicondvo lesingayengeta kulunye nalolunye lwaloluhla?

Sephetfo

ASE UTIBUKE WENA

Cabanga ngemsebenti wakho. Ngutiphi letinye tetindlela Nkhulunkhulu lomkhatimulisa ngato ngemsebenti wakho? cela Nkhulunkhulu akukhombisa letinye tetintfo longatenta kancono kudvumisa kakhulu kunakucala.

Sifundvo Sesine (4): Imimango yembuso

Ingcikitsi Mcondvo: Umbuso waNkhulunkhulu awungasite timphilo tentfu kuphela kepha nemimango yetfu.

Tinsita

1. Umcondzi weMfundzi: Inkhulumiswano mibuto Yembuso emhlabeni
2. Sicephu lesikhulu seliphepha
3. EmaCrayon

Jesu Njengesikhulu Semmango

KUBHUNGA KWESIGUNGU LESIKHULU

Ukewamcabanga Jesu asikhulu semmango?

- Yini locabanga kutsi angayigucula?
- Yini langakuyekela kungagucuki?

Ticondzisa tathishela: Uma lesigungu sinake kushintjwa kwebuholi bepolitiki, bakhumbute kutsi. Bafundzi bakhe bebabheke kutsi Jesu aketule tonkhe tisekelo netakhiwo tepolitiki; kepha, akazange akwente loko.

Nangabe letigungu tiyehluleka kuveta umbono ungasebentisa leminyane yalemibuto kube kucocisana:

- Angenta ntani Jesu ngebafelokati netintsandzane?
- Angayicinisa njani imindeni?
- Abengakukhutsata njani kutsi bantfu babenemanti lahlobile ekunatsa, tindlu letikahle kanye nekudla, lusito lwetempilo, luhlelo lwekulahla tibi nemisele yekuhambisa emanti nekungcola?
- Yini beyingentiwa ngekufundzisa bantfwana kanye nebantfu labadzala?
- Yini Jesu bekangayenta ngelizinga letjwala, kusebentiseka kabi kwetidzaka mizwa, kugembula, nalokunye kuhlukubeteka?
- Yini Jesu bekangayenta ngekuhlukubetana emishadweni nekuhlukubeteka kwebantfwana?
- Jesu bekangabutfufukisa njani budlelwane nalabanye bantfu?

Umbuso Emhlabeni

Ebhayibhelini sikhonjiswa sibonelo sekutsi kungaba njani uma ummango walabakholwako ungacala kulalela Nkhulunkhulu kutotokhe tintfo wakhe umbuso waNkhulunkhulu.

KUBHUNGA KWESIGUNGUN LESINCANE

Fundza Imisebenti 2:42-47, Imisebenti 4:32-35 bese uphendvula lemibuto leku **MCONDZISI WEMFUNDZI**.

- Labo bebasandza kusindziswa bentani?
 - *Batinikela ekulandzeleni timfundziso teBapostoli (balalela bahlonipha tindlela taNkhulunkhulu), bahlangana ndzawonye njakonzalo, bahlephulelana nalabanye, bathandaza, badvumisa Nkhulunkhulu, bapha labo labeswele, bahlephula liVangeli.*
- Kepha konkhe loku ngekwaMoya yini noma tintfo letentiwa enyameni? (*kokubili*)
- Kwaba ngumuphi umphumela?
 - *Bekute lonesidzingo, labanye bantfu bebababuka ngemusa, bantfu labanyenti baphendvuka bababazalwane.*
- Nguyiphi imiphumela lokubhekeke siyibone emimangweni yetfu uma sikhonta njengebazalwane bakucala?

ASILETSENI UMBIKO

KUBHUNGA KWESIGUNGU LESIKHULU

Asesicabanga nje kube imimmango yetfu inje ngaleyo yelisontfo lakucala— kube labanyenti beta kuKrestu bese bahamba ngekulalela bahloniphe timiso takhe, kube besihlephulelana konkhe lesinako, kube bekutsiwa kute labeswele emkhatsisini wetfu . Akusilo liphupho lelingeke selenteke leli. Kwenteka loku esontfweni lakucala, futsi sesike sakubona kwenteka nakuleminye imimango kuletinye tindzawo emhlabeni.

Asesifundze natitindzabatjana tetindzawo letimbili betikadze tinenshisekelo yekwakha umbuso waNkhulunkhulu.

Indzaba yekucala (1): Indvodza tsite kulela laseNdiya yavakashela lomunye Ummango lapho ake wasebenta khona. Wabuta bafati baleyo ndzawo kutsi kube Jesu bekasikhulu salendzawo lommango bewungabukeka njani. Sara, lomunye umfati lobekadze anelikhono lekukhuluma, wachaza ngemmango lapho bebamunye babumbene. Wachaza kutsi Jesu abengajabuli ngalommango wakhe ngobe bebehlukeni kungekho kubambisana. Yonkhe imindeni yayitiphilela nje inganaki lomunye. Ngenca yalemphendvulo yakhe, lesigungu sebefati balommango bakha likomidi letemphilo kanye nesigungu sekutisita. Labafati lababalelwa kulabalishumi nalabane besigungu sekutisita bacala bahlangana sonkhe sikhatsi ngenhshisekelo legcwele injabulo. Emalunga alesigungu anikela timadlana batigcina bacala baletsa tisombululo tetinkhinga kulommango bandzawonye. Sara waba ngumengameli walelikomidi wasebentisa tipho takhe tebulholi kuhlela nekukhutsata lommango kutsi wente leto tintfo lengabe Jesu uyatenta kube abesikhulu salommango.

Indzaba Yesibili (2): Besifazane labebaphotfule esikolweni selibhayibheli kulela laseBuganda batimisela kukhonta ummango wabo ngendlela Jesu bekangawukhonta ngayo. Bacophelela bahlela umsebenti wekucala bebangawenta: Kuhlanta bacoce kungcola endzaweni lesondzele nalapho kutsengiswa khona tjwala. Lababili balaba besifazane batinika sibindzi bangena ngekhatshi lapho kutsengiswa khona tjwala. (Imvamisa, bafati labangena kuleyondzawo ngulabo labanatsako nalabatsengisa ngemtimba kuphela.) Bacala imvumo yekususa konkhe kungcola kuze kube nekuhlanteka. Lomnikati ngekumangala lokukhulu wabahleka noko wabavumela. Bahamba bakhutsata ummango, bantfu labanyenti batinikela kwenta lomsebenti. Lesigungu sagumba imigodzi lemibili: wekucala waba ngewekungcola lokubolako lolomunye waba ngewekungcola lokungaboli. Wenela kubabona Loyo lophetse lesitolo setjwala basusa lokungcola, nabo bangena basita. Loko kwawujabulisa kakhulu ummango, banikati balesitolo setjwala base bayatinikela kucinisekisa kunakekela lendzawo kutsi ihlale ihlantekile. Akhutsatekile, lomunye walaba besifazane watincumela kwakha titofu letiyimfica letatisebentisa gasoline wanikela emindenini kulendzawo waphindze wapha labeswele tindziwo tekugcina emanti. Lokulandzelako, labafundzi belibhayibheli base bacala umsebenti lomkhulu: Imakethe yemmango. Bafati balendzawo bebahamba libanga lelidze kakhulu, batfwele tibhidvo tabo kuyotsengisa etimakethe letikhashane. Imakethe ledvutane beyitabenta bakhe inzuzo babe basedvute nemindeni yabo, ummango , kanye netingadzi tabo . Indzawo yekwenta lomsebenti yanikelwa , kepha beyewukela kakhulu ingakabeki kutsi bebangacala umsebenti wekwakha lemakethe. Labafati bekuphotfulela esikolweni selibhayibheli bathandaza, kwakukhona inkhampani yekwakha umgwaco leyayitele kulungisa umgwaco ngaleso sikhatsi. Yatitela yona nemishina yayo bayilungisa lendzawo yaba ngulebekile futsi akukho labakubhadala. Ngekusitwa nguNkhulunkhulu lesigungu sebefati lababazalwane batfola baphindze bakoleka tinsita, bagcina imali, bakha tisombululo tekudzidzeka lokwakukhona , baze bayakha imakethe yemmango . Timphilo tabo takomoya takhula basakhonta ummango bentela Jesu.

- Kwentekani kuyinye nalenye yaletindzabatjana?
- Ngenca yalabantfu kuletindzabatjana, ngabe lemimango iyasondzela yini kuloko Jesu lafuna baphile kuyo? Ushongani?
- Nguyiphi leminyane imisebenti letigungu letiyentile?
- Ungakwenta kanjani wena loku emmangweni wakini?

Sonkhe singasifaka sandla kugucula imimmango yetfu ibe njengoba Jesu afisile.

Ingucuko Emmangweni Kutotonkhe Totine tinhlangothi

Kulenkhozo lena sigcile ekuphileni njengobe Nkhulunkhulu asihlelela siphindze sisite nalabanye kutsi bente ngekufana. Uma senta njalo, siyawubona ingucuko emimangweni yetfu.

KUBHUNGA KWESIGUNGU LESIKHULU

- Kepha siyakhumbula yini letinhlangothi letine lokumele sikhule kito njengobe Jesu enta? (Lukha 2:52)
 - Engcondvweni, Emtimbeni, Budlelwane nebantfu, Kanye naseMoyeni

Sisalalela Nkhulunkhulu sente loko lakushoko kuto tonkhe tinhlangothi tekuphila kwetfu, sitawubona umbuso waNkhulunkhulu wakheka emmangweni wetfu. Lenye indlela lesingayisebentisa kucabanga tindzawo letehlukene lesifuna kubona ummango wetfu ushintja noma ukhula ube njengekufisa kwaNkhulunkhulu kutsi sibuke ngayinye yaletindzawo letine (4) — engcondvweni, enyameni, ebudlelwaneni, kanye nasemoyeni

KUBHUNGA KWESIGUNGU LESINCANE

Ticondziso Tathishela: tjela tigungu ngasinye sicabange kutsi nguyiphi ingucuko labafise kuyibona yenteka emmangweni wabo ngephansi kwalesihloko — engcondvweni, emtimbeni, ebudlelwaneni nebantfu, kanye nakomoya (ephepheni). Khumbuta bafundzi kutsi budlelwane buphatselele nebulobu betfu (sibonelo nje, emshadweni, batali, budlelwane betfu nabomakhelwane, kanye nelubumbano esontfweni). Enyameni kufaka ekhatsi tintfo njengemali, umsebenzi, kanye netemphilo. Bangaphindze babukete kulemibono labayentile ngasemuva esifundvweni sakucala—Jesu njengemholi wemmango wetfu.

ASILETSENI UMBIKO

KUBHUNGA KWESIGUNGU LESIKHULU

Kulenkhozo yetfu siyesibone natitingucuko. Ngabe tintfo longatsandza yini nawe kutibona tenteka?

1. NgakaMoya
 - a. Bantfu beta kuKhrestu – Kuvangela
 - b. Bantfu Bayakhulu – Bufundzi
2. Enyameni
 - a. Kutfutfuka kwentindlu
 - b. Kutfutfuka Kwendlela Yekuphila – tekulima/imigwaco kanye nekuphatsa kahle timali
 - c. Kutfutfuka Kwetemphilo
3. Budlelwane
 - a. Kutfutfuka kwebudlelwane emkhatsisini wemimango kanye nahulumende
 - b. Kutfutfuka emishadweni
 - c. Kutfutfuka kwendlela batali labakhulisa ngayo bantfwana
4. Engcondvweni
 - a. Imfundvo yebantfu labadzala kanye nebantfwana
 - b. Kukhula kwelwazi kanye nemakhono

Sephetfo

KUBHUNGA KWESIGUNGU LESIKHULU

Nkhulunkhulu ufisile kubona imimango yetfu iguculiwe ifanane neMbuso wakhe. Jesu wasikhutsata kutsi sibothandaza sithi 'UMbuso wakhe ufike emhlabeni njengasezulwini' waphindze wasitjela kutsi 'ifune umbuso wakhe kucala.'

- Akesewucabange nje kutsi kungabanjani kuphila emmangweni laphe khona bonkhe bantfu bahlonipha Nkhulunkhulu ngalokuphelele kutotonkhe tinhlangothi tekuphila? Kungaba nemindeni

lejabulile nabomakhelwane labanebungani, kusitana kanye nemphilo lenekuvumelana; kungababete kuphikisana noma kulwa nekungetsembeki .

- Ungakutsandza yini kuphila emmangweni lonjalo? Leni?

Nkhulunkhulu usinikete umbono lomuhle kakhulu: Umbono wekuta kweMbuso wakhe emhlabeni . Ufuna sibeyincenye leyakha uMbuso wakhe lapha emhlabeni. Cabanga nje kutsi umhlaba ungaba njani uma bonkhe bantfu balalela bahloniphe Nkhulunkhulu. Kungafanana nasezulwini! Kona siyati kutsi loku kungeke kupheleliswe uma Jesu asengakabuyi, kepha singacala sisebente lombono lesinikwe wona nguNkhulunkhulu.

Kumele sivuke onkhe emalanga sicabange:

1. Ngingawakha njani uMbuso waNkhulunkhulu lamuhla?
2. Ngingentani kuze wandze uMbuso waNkhulunkhulu?
3. Ngingaphila njani ngekwetimiso taNkhulunkhulu?
4. Umndeni wami kanye nemmango wami ngingasita kanjani kutsi kwente lokufanako?

KUBHUNGA KWESIGUNGU LESINCANE

- Cabanga tintfo letimbili longatenta kuleliviki kusita uletse uMbuso waNkhulunkhulu emmangweni yakho.

Thandazani kanyekanye nicele Nkhulunkhulu kutsi anisite kute uMbuso wakhe emmangweni wakini.

Sifundvo Sesihlanu (5): Kwakha Umbuso WaNkhulunkhulu ngekukhonta Labanye

Ingcikitsi Mcondvo: Ngekukhonta labanye siyayibona imimango yetfu igucuka igucuke kufana neMbuso waNkhulunkhulu

Tinsita:

1. Umcondzisi Wemfundzi: Kucocishana nemibuto ngendzaba yaMake. Lee nemndeni loweswele
2. Umcondzisi Wemfundzi: Imibuto ngendzaba yemndeni munye wemKhrestu lowenta umehluko

Cala ngawe kanye Nemndeni Wakho

KUBHUNGA KWESINGU LESIKHULU

Kunendlela lemelula lokumele siyilandzele ekwakheni uMbuso waNkhulunkhulu:

Ticondziso Tathishela: Dweba nayi indlela ebhodini.

Wena → Umndeni Wakho → Ummango Wakho → Live Lakho

1. Cala ngawe

Sinyatselo sekucala kutsi kwakheke umboso waNkhulunkhulu emphilweni yakho, emndenini wakho, esontfweni lakho, emmangweni wakho, kanye naseveni lakho (kutivivinya). Uyetama yini kutfobela Nkhulunkhulu kutotokhe tinhlangothi tekuphila kwakho?

2. Fundzisa ukhutsate umndeni wakho

Usacala kutfobela Nkhulunkhulu kutotokhe tinhlangothi tekuphila kwakho, khutsata nemndeni wakho kutsi wente njalo nawo.

3. Cela Nkhulunkhulu Akusebentise Utsandze labanye

Thandaza ucele kutsi Nkhulunkhulu akusite kusitakale labanye ngawe. Buka ematfuba. Nawubona bantfu beswele, cela Nkhulunkhulu akukhombise kutsi ungabasita njani labobantfu.

4. Khonta labanye

Timbandzakanye emisebentini yelutsandvo utfole letinye tindlela tekukhonta. Nomangabe utiva ungakhoni kwenta lokukhulu, sebentisa tonkhe letipho Nkhulunkhulu lakunikete tona ukhonte. Usakhonta, utocala ukhule uphindze utitfole wenta nalokukhulu.

Kufundza kukhonta labanye

Kulesifundvo sitawubuketa kutsi singabakhonta njani labanye emmangweni — singabasita kanjani ngaphandle kwekudzinga imali lenengi noma kwakheke kuncika.

KUBHUNGA KWESIGUNGU LESINCANE

Asesitsi kunemndeni lodzingile emmangweni wakho. Yini letinye tetinfo longatenta kusita lomndeni?

ASIBUYISENI UMBIKO

Make. Lee umfati sibili kulivekati lasae Asia, kepha libito lakhe selishintjiwe. Bekafisile kusita imindeni lehluphekako emmangweni wakhe, ikakhulu leyo leyayingasebenti. Wacale wayivakashela leminyeye yalemindeni tonkhe tinyanga abebuka tindlela tekuyisita kubekhona labangaphila ngako. Nati tindzatjana

letintsatfu letikhetfwe kuletinyenti letikhomba kutsi wakhona njani kusita leminden. Letindzaba tindzaba letenteka ngekweliciniso.

KUBHUNGA KWETIGUNGU LETINCANE

Etigungwini tenu fundzani totintsatfu tindzatjana ta Make. Lee ku**MCONDZISI WEMFUNDZI** bese niphendvula lemibuto.

Indzaba yekucala (1)– Make. Lee nengadzi yetimbali

Endzaweni yakhe, bekukhona umndeni lowawuhlupheka unebantfwana lababili. Bobabili indvodza nemfati bebangasebenti. Make. Lee wabavakashela Wanaka kutsi bekukhona indzawo lencane leyayinemhlabatsi lohleti embikwelikhaya labo. ‘kungabanjani uma ningahlanyela timbali?’ abuta. ‘ningenta likhaya lenu libelihle niphindze nitsengise letinye timbali emakethe lesedvute.’

Lomake wakulomndeni wavele wenta njalo wacala wamikisa letimbali abetihlanyele emakethe lapho abetitsengisa khona. Watfola kutsi batsengi bebefuna naletinye tinhlobo tetimbali, kepha indzawo yakhe beyiyincane angakhoni kuhlanyela letinye tinhlobo. Lomake, kepha, wacala watsenga timbali kulabanye bahlanyeli atitsengise kanye naleti takhe akhe inzuzo. Ngekutsi abenendzawo lencane yekutsengisa nasemakethe, wase uyacabanga, ‘ngingatsengisa naletinye tintfo futsi!’ bekavuka lokwa ekuseni ayotsenga banana ne coconut akutsengise nako khona lapho atsengisela khona timbali.

Indzaba yesibili (2) – Make. Lee naBhatata

Lomunye umndeni wawundzinge lusito ufuna kusebenta kepha ungati kutsi wawungenta ini kantsi futsi bebete nelikhono lekutiphilisa. Bebasebenta nje kufukuza kwemalanga konkhe, kepha esikhatsini lesinengi bebangawutfoli umsebenti. Make. Lee bekabona kutsi lomndeni wawukhutsele futsi ufuna kusebenta, ngako wavakashela lomunye umndeni wasesontfweni lowawulima bhatata. Wabuta kutsi kepha bhatata wawunayo yini inzuzo, uma utsengwa wawutsengiseka kahle, bakhona yini batsengi, kwakuyini lokudzingekile kucala kuwulima.

Watsi ngekuva kutsi kungumsebenti lomuhle, wawuchazela lomndeni kutsi Nkhulunkhulu usibitele kutsandza bomakhelwane nekunakekela labeswele. Wababuta kutsi bebangasita yini kufundzisa lomndeni loweswe kulima bhatata, bavuma. Make. Lee wayihlanganisa leminden. Lemibili. Lomndeni loweswele wababula kakhulu kutsi bese kukhona labatakwenta, basukuma masinyane baboleka siceshana sendzima nakokongke lokwakudzingekile kutsi bacale. Ekupheleni kwemnyaka, baba nesivuno lesihle bakhona kubhadala imali yenzima bebayehlekile, imali yenhlanganyelo (emakhasi), baphindze baba nenzuzo lenhle yemnden.

Indzaba yesitsatfu (3) – Make. Lee Nekubuyisana Kwemnden

Lomnden wesitsatfu Make. Lee abefise kuwusita bebehlukene nebatali babo. Labatali bebakholwa kutsi indvodzana yabo nemnden wayo bebangesiko lutfu futsi kute lokuhle bebayoke babe ngiko. Make. Lee wahlangana nabo wetama kubakhulumisa kutsi babuyisane. Make. Lee wetsembisa kubavakashela njalonjalo abasite kutsi imphilo yabo ibencono uba batali bayemukela indvodzana nemnden wayo baphindze bayisite kancane. Loko kwenta lomnden ukhetse kuphindze uyetsembe indvodzana yabo bayehlekile imadlana yekucala libhizinisi lekugcina timoto lesetifile, sikhuluma nje sewutsenga tintfo letindzala letakhiwe ngensimbi atsengise esitolo lesisedvute lesitsenga letotintfo. Sewuyakhona nyalo kunakekela umnden wakhe futsi sewutivela ahloniphekile.

1. Yini lokwentiwe ngu Make. Lee kulemindeni?
 - *Ubabonisile wabakhutsata*
 - *Uvakashele labanye, njengalo mnden lolima bhatata, kuyokuva kutsi bewunenzuzo yini bhatata nekutsi ufisile yini kusita.*
2. Kwaba yini umphumela wemetamo ya Make. Lee?
 - *Bantfu baba nemisebenti baphindze bakhona kunakekela iminden yabo.*

- *Bantfu baba neligcambo ngobe bese bakhona kwenta lokutsite kuze batisite bona.*
- 3. Yini lengabe yentekile kube Make. Lee ubanikete imali noma kudla?
 - *Bebangeke bashintje.*
- 4. Kube Make. Lee ubanikete imali ngamunye liviki ngeliviki iminyaka lemibili wase uyayekela, ucabanga kutsi timphilo tabo ngabe titfutukile njengobe kwentekile yini?
 - *Cha, ngabe bagcine betayela kutsi Make. Lee ubapha imali bese bencika kuloko esikhundleni sekusebenta.*
- 5. Yini umehluko emkhatsisini wekusita ngemali nalendlela yelusito lwa Make. Lee?
 - *Uniketa bantfu likhono nendlela lephatsekako yekutisita.*
- 6. Asesicabange nje kube sonkhe senta fana na Make. Lee —sivakashele imindeni siphindze siyilalele, sinake setame nekucondza tinkhinga tabo, bese sifuna tisombululo. Lingaba njani ligalelo emimangweni yetfu?

ASILETSENI UMBIKO

Umndeni Lodzingile

KUBHUNGA KWESIGUNGU LESIKHULU

Ase ucabanga nje kunemndeni lowakhe dvutane nelisontfo lakho. Lendvodza yalelikhaya ayihlali ekhaya, ibuya kanye ngenyanga noma emvakwetinyanga letimbili ishiyele umndeni wayo imadlana nje. Lomfati unakekela bantfwana babo labatsatfu futsi kute namunye kulabantfwana lofundzako. Esikhatsini lesinengi, labantfwana bête ticatfulo bahamba ngetinyawo noma bayakuphi abagwabeli futsi bembatsa timphahla letiguge kakhulu. Indlu labalala kuyo seiyahhohloka futsi inetsa kakhulu uma kunemvula. Kulesinye sikhatsi labantfwana bavakala bakhala ngenca yendlala.

- Ngutiphi letinye tidzingo lomndeni lonato?

Ngetulu kwetintfo tonkhe, lomfati abetivela angenalo litsembe. Bantfu labanyenti labangasebenti kusuke kungasho kutsi abasebenti ngobe bavalapha njengekucabanga kwetfu. Esikhatsini lesinengi, senganywa bulukhuni bemphilo kungabi melula kukholwa kutsi kungabakhona lushintjo. Umsebenti lomkhulu wakho kutsi ubasite babone kutsi lesimo singashintja ngekutsi ubanikete lusito lwekucala lolushintjo. Yebo kona lipake lelilayisi noma imphuphu likahle kulomndeni, kepha amangabe uchubeka nekubanika loko vele uyabakhutsata kutsi babebete litsembe. Labakudzingako litsembe kutsi imphilo isengagucuka.

KUBHUNGA KWESIGUNGU LESINCANE

Ticondziso Tathishela: *Sebentisa* **UMCONDZISI WEMFUNDZI:** *Kucocisana Ngemibuto Ngemndeni Londzingile*

- Kube bewungu Make. Lee nguyiphi indlela bewungasita ngayo lomndeni?

Timphendvulo letibhekekile:

- *Bengingasita lomfati nebantfwana kubekhona imali labayitfolako. Banawo yini umhlaba noma emakhono tsite?*
- *Bengingasita labantfwana baye esikolweni. Hamba nalomake siyokhuluma nelitiko lahulumende lelisedvute sibone kutsi kungete kwatfolakala yini umfundzate noma lenye indlela bebangasitakala ngayo. Tfolakala kutsi nguluphi lusito lolungatfolakala.*
- *Butsa timphahla letisebentile esontfweni wetame kuniketa labantfwana letotimphahla labatidzike kakhulu.*
- *Vakashela lomake sikhatsi lesinengi umkhutsate abone kutsi imphilo isengashintja.*
- *Sita lomndeni wakhe lendlu kabusha. Cela bantfu labambalwa esontfweni bête basite kulomsebenti, sebentisa lokukwekwakha lomndeni lonako nalabantfwana bafake emandla. Noma baneminyaka lesiphohlongo labo banemndla!*

- *Khutsata lomndeni kutsi ucale ingadzi lencane balime tibhidvo kuze badle kudla lokunemphilo.*
- *Nikela kulomndeni ngemantjwele lambalwa ucele umuntfu esontfweni kutsi afundzise lomndeni kufuya tinkhukhu. Uma kunesidzingo, gcina letinkhukhu ekhaya lakho kuze lomndeni ungalingeki usheshe utidle bese utjela munye walabantfwana bête kuwe onkhe emalanga kuladza emacandza uchubeke unakekele letinkhukhu. Yenta siciniseko kutsi uyabafundzi kutsi letinkhukhu tinakekelwa kanjani.*
- *Chumana nalomndeni walendvodza nalomfati. Kungabakhona yini lapho bangasita khona?*
- *Sita lomndeni kutsi uhlele kahle indlela labangasebentisa ngayo imali yalendvodza. Bangayitjela yini lapho beyingabaniketa khona inzuzo lekhulu ngekuhamba kwesikhatsi ? Bangenta njani kutsi ibasite sonkhe sikhatsi?*

Imimmango

KUBHUNGA KWESIGUNGU LESIKHULU NOMA LESINCANE

Ticondziso tathishela: etigungwini letifundzile, sebentisa **UMCONDZISI WEMFUNDZI** ucele bafundzi babukisise lenzaba bacocisane ngemibuto etigungwini. Etigungwini letingakhoni kufundza bafundzele lenzaba bese bayayikhulumisa.

Lena yindzaba sibili yendvodza leyahamba nemndeni wayo yaya endzaweni lapho khona bekute emaKhrestu ngobe bebefuna kubahlephulela ngaKhrestu. Abefise kubona umbuso waNkhulunkhulu wakheka netimphilo tebantfu tibuyiselwa kutotonkhe tinhlangotsi — engcondvweni, emnyameni, koMoya, kanye nasebudlelwaneni.

Lomunye Umndeni WemaKhrestu Wenta Umehluko

Lena yindzaba yemndeni wemaKhrestu lowakha uMbuso waNkhulunkhulu emmangweni lapho khona bekute inkholo yebukhrestu. Lommango utfolakala lena ngesheya kwetilwandle etintsabeni tase (Himalayan). Libanga lelidze nje nawusuka kulommango bekutfolakala emasimi elitiya. Lapha bekusebenta bantfu labanyenti balommango. Kepha, emaholo abephansi kakhulu labantfu bebasokola noma nje basebenta.

Lommango bewakhiwa yimithi lengemashumi lamabili nesihlanu nayo tindlu tayo tatiwa nje tingakakheki kahle, bekutindlu letakhiwe ngetigondvo luphahla lungakafuleleki kahle. Bekute tindzawo tekugcina kungcola nekuhloba nje bekungacinisekiswa kulommango. Ngobe bekuyintsaba lephakeme, bekubandza kakhulu; kepha, bantfwana bebahamba phansi ngetinyawo bangakagwabeli futsi netisu tabo tihlala ticumbile.

Letindlu tonkhe betakhiwe endzaweni lencane. Bebaphekela esihhahneni lesasigcwala intfutfu umabapheka phansi emlilweni lovulekile, bebasebentisa ematje lamatsatfu kusimisa libhodo. Bekunetinkhukhu letimbalwa letatehla tenyuka kulamabala labekadze angcolile.

Sikolo lesisedvutane bekulibanga kufika kiso. Bekukukhashane kulabantfwana kuhamba onkhe emalanga, ngobe kunemisebenti lokwakumele bayente nasemakhaya. Ngako ke, labanyenti bantfwana bebangayi esikolweni. Labadzala labanyenti bebangakhoni kufundza nekubhala. Ngaloko, kwenta badlelelwe ngulabo bakuleminye imimango.

Betitincane tingadzi letatikho ngobe emanti lasedvute bekuyinkhelemba leyayingemabanga kufika kuyo ikhashane. Bekukukhashane kutfolamanti ekunatsa kanye newekuhlanta timphahla, kangananike emanti ekunisela tingadzi. Kwake kwaba neliphayiphi lelalisuka enkhelembeni, kepha belingasasebenti, nalabantfu kute imetamo labayenta kulilungisa.

Imvula kwakuyintfo lelukhuni lingani kuletinye tindzawo ngaphandle kwemvula yentfwasahlobo leyayikhulisa lilayisi labo. Belingekho litfuba noma sikhatsi lesanele sekukhulisa tibhidvo tabo. Uma kwentekile babanenhlanhla, bebakhona kutfolamanti sivuno selilayisi lelanelle kubachuba kuze kufike sivuno lesilandzelako.

Labantfu bebase sema Hindu, ngako bebakhonta bonkhulunkhulwana labanyenti labehlukene. Bangetulu kwesigidzi bonkhulunkhulwana, ema Hindu lababakhontako baphahle kubo. Lommango unetithico talabonkhulunkhulwana bema Hindu. Sikhatsi sonkhe uma labantfu bendzawo badla, bebatsele incenye yekudla phansi batselele lemimoya lendzindzako.

Bebanemcondvo wekwehluleka nekubabete litsemba. Litsemba labo belilinye nje kutsi kumbe emphilweni lelandzelako bebayogucukela emphilweni lencono. Kepha bekuphindze kubenekutsi, uma bente labonkhulunkhulwana bangajabuli, bebayogucuka babe likati nomainja. Bebativela bethiyekile, kungekho kutsi baphuma njani ngalokufanako ingekho indlela yekutfutukisa timphilo tabo.

Lepcha ngumvangeli lowefike wahlala kulenzawo. Abefundzele kusita labanye bantfu kutsi batfutfuke kwetempilo, abengenele tifundvo tenyanga yinye. Wenela kucedza tifundvo, watsatsa umndeni wakhe baya kuyohlala kulommango kuze basite bomakhelwane babo ngekuhlephula loko bebakufundzile. Libala labo lalihlobe kakhulu futsi banendlu yekuphekela lenenzawo yekuphekela lephakanyisiwe, loko kwenta kupheka kwaba melula basebentisa netinkhuni letingesiko tinengi. Bebanelihhoka lekugcina tinkhukhu tabo. Balima ingadze yabo lencane yetibhidvo, kuze bantfwana babo badle kudla lokunemaseko lamatsatfu. Bagubha ngaphandle umgodzi yekulahla tibi, bantfwababo bebete tilo esiswini futsi bangaphatfwa ngumshoko fana nebantfwana bakulommango.

Lepcha wafaka eluphahleni lwendlu yakhe kwekuvuna emanti uma kunemvula. Labanye nabo bawutsatsa lombono benta lokufanako, tatsi naticala timvula, bonkhe babanemanti lamanyenti.

Lepcha wahlanganisa labantfu bemmango babambisana kufaka liphayiphi lelalisuka enkhelebhini lilelse emanti emmangweni, labantfu bemmango base babanemanti lamanyenti, emanti lenele nekunisela tingadzi tabo letinsha. Labanyenti bakha tindlu tetinkhukhu letifanana naleyo ya Lepcha bagubha nemigodzi yekugcina kungcola leyayingenalo liphunga netimphungane.

Uma umndeni waLepcha ufika bafundzisa bantfu labandzala nebantfwana labanesifiso sekufundza nekubhala. Bacala ngekufundzisa bantfwana kanye nalabasha kufundza. Lamuhla, lommango unesikolo sawo lesifika ebangeni lesine.

Sebanesakhiwo lesincane sekukhontela ngobe imindeni lengemashumi lamabili nakutsatfu emindenini lemashumi lamalibi nesihlanu leyakha lommango seyinebudlelwane naKhrestu. Konkhe loku kungesizatfu lesitsi umndeni munye wabakhulumisa ngaKhrestu baphindze benta imisebenti lemihle.

Labantfu sebanemcondvo wekutfutuka, futsi sebayabona kutsi bangaphila imphilo lekahle fana nebantfu bonkhe ngobe umndeni munye weta waphila kunye nabo bafundza imphilo.

Lenzaba lena ihlale itekwa njalonjalo emimangweni yenshona langa kulela lase Ndiya nemphumalanga yeNepali. Kungulamuhla loku kwenteka emimangweni lelikhulu nemashumi lamabili kulenzawo. Timphilo tebantfu tiguculiwe enyameni. Kepha nalemimango iyaguculwa ngakaMoya ngobe emakhaya lalikhulu nesikhombisa sekayahlanganyela kukhonta Khrestu, lalishumi nakubili anemalunga langemakhulu lamabili.

- Ngutiphi letinye tetingucuko Lepcha latiletsa kulommango? Phindze ubukisise lenzaba bese wenta luhla ngaphansi kwanati tihloko Emcondvweni, enyameni, kaMoya, nasebudlelwani.
- Waluletsa kanjani lolushintjo? Wacala ngabani?
- Sewushintje ngani lommango ngenca yaLepcha?
- Yini lengakwenta ufanane naLepcha emmangweni wakho?

Naka: sisachubeka nekufundza sitaniniketa luhla lwetifundziso tetempilo lolufana nalolu lwa Lepcha.

Sephetfo

Lepcha na make. Lee batibonelo letimbili tekusita labanye. Kutotombili sikhunjutwa kutsi asisiti labanye bantfu ngekubanika tintfo kepha ngekuchitsa sikhatsi nebantfu, sicondze simo sabo , sakhe budlelwane nabo, sikhutsate , sifundzise siphindze sikhombe lushintjo ngekuphila kwetfu.

KUBHUNGA KWETIGUNGU LETINCANE

- Ase ucabange ngemmango wakho. Ukhona yini umndeni longawukhonta? ngutiphi tindlela longawukhonta ngato?
- Tikhona yini tento letinhle longatenta? Yini longakwenta?

ASILETSENI UMBIKO

Sifundvo Sesitfupha (6): Inhlakanipho YaNkhulunkhulu Nemandla Akhe

Ingcikitsi Mcondvo: uma sifuna imimango yetfu igucuke, sidzinga inhlakanipho yaNkhulunkhulu nemandla akhe. NguNkhulunkhulu kuphela longagucula ummango.

Tinsita

- Umcondzisi Wemfundzi: inhlakanipho yaNkhulunkhulu
- Umcondzisi wemfundzi: Indzaba yelibhayibheli yekwandzisa kwaNkhulunkhulu

Singeniso

KUBHUNGA KWESIGUNGU LESINCANE

Ase ucabange sewunconyiwe kutsi uhole ummango wakho ucelwe kutsi wengamele umsebenti wekutfutukisa lommango. (ummango lotfutukile usibonelo lesingiso lapho khona bantfu bangafundza kini.)

- Ngutiphi letinye tetinsita longatidzinga? Yetama kucabanga konkhe kufaka ekhatsi tingcweti, timali, imigwaco lemisha nalokunye nalokunye...

ASIBUYISE UMBIKO

Ticondziso Tathishela: usalalela lemibiko, bonga bonkhe bafundzi ngetaba labatentile. Nakisisa kuletigungu uma kukhona lesibe nemcondvo wemthandazo, emandla aNkhulunkhulu, inhlakanipho yaNkhulunkhulu, nalokunye nalokunye umangabe kute sigungu lesifake ekhatsi letihloko leti, babute bonkhe kutsi kute yini lokunye labangakucabanga labakukhohliwe.

Fundza 2Tikhronike 7: 14, 2 Tikhronike 7:14.

- Yini lokudzingeka sikwente kuze live letfu liphiliswe?
 - Thandaza, funa buso baNkhulunkhulu, siphendvuke etindleleni letimbi.
- Ngubani lofanelwe kwenta letintfo?
 - Bantfu baNkhulunkhulu
- Uma senta letintfo Nkhulunkhulu utakwenta njani?
 - Utakuva, atsetselele, aphilisi live letfu!

Singeke ngekwetfu siletse ingucuko noma sakhe umbuso waNkhulunkhulu emimangweni yetfu. Siyayati imetamo lesesiyentile noma hulumende nomake labanye bantfu lasebayentile. Kepha kute ingucuko lesiyibonile imimangweni yetfu. Kungenteka kukhona lushintjo lesilubonile, kepha ingucuko lephelele idzinga lusito lwaNkhulunkhulu. Siyayidzinga inhlakanipho yaNkhulunkhulu nemandla akhe kuncoba letinye tetingcinamba lesitibonako. Sisathandaza siphindze silalele sente timiso takhe, siyobona imimmango yetfu igucuka.

Inhlakanipho yaNkhulunkhulu

KUBHUNGA KWESIGUNGU LESINCANE

Ticondziso Tathishela: Sebentisa CS lessons for translation **UMCONDZISI WEMFUNDZI** unikete sigungu ngasinye imisho nemibuto emaphepheni lehlukile. Niketa sigungu ngasinye liphepha bafundze bacocisane. Uma letinye tigungu tisheshe ticedze, ababukisane kanye nalabanye.

Fundza eMakhosi 3: 7 – 14.

- Wacela ini Solomonini?
 - *Inhlakanipho yekuhola, inhliyo lenekunaka nekucaphela*
- Kwabayini imphendvulo yaNkhulunkhulu?
 - *Wajabula. Wetsembisa kumupha loko bekakucelile ngelinani lelikhulu kunabobonkhe bantfu labake babakhona nalabayoke babekhona aphindze amuphe kuceba, kuhlonipheka kanye nemphilo lendze.*

Fundza Jakobe 1: 5

- Jakobe utsi asicele ini?
 - *Inhlakanipho*
- Nkhulunkhulu uphendvula njani ngekusho kwaJakobe?
 - *Uyasipha angasibaleli tiphambuko tetfu.*

Fundza Tihlabelelo 81:11-16.

- Yini bantfu baka Israeli labehluleka kukwenta?
 - *Kulalela Nkhulunkhulu (livesi la 11 na 13)*
- Ngabe wenta ini Nkhulunkhulu kube bamlalela
 - *Wancoba titsa tabo*
 - *Wabondla ngekudla lokukahle*

Fundza Isaya 55: 8 -9

- Nkhulunkhulu utichaza njani tindlela takhe kanye nemicabango yakhe?
 - *Imicabango netindlela takhe kuphakeme kunetetfu.*

ASIBUYENI NENBIKO

- Sifundza ini kuwo onkhe lamavesi lawa?

Libhayibheli likwenta kuba sobala kutsi Nkhulunkhulu ufuna sicele inhlakanipho. Uyajabula umasenta siphindze siphane ngenhlakanipho. Kepha uma sehluleka kulalela Nkhulunkhulu, lapho siyasilela. Nkhulunkhulu wati kancono kunatsi ngaso sonkhe sikhatsi. Imicabango yakhe iphakeme kuneyetfu, tindlela takhe tiphakeme kunetetfu.

KUBHUNGA KWESIGUNGU LESIKHULU

Akesive nayi lidzaba yekutsi Nkhulunkhulu wawuniketa njani inhlakanipho lomunye ummango

Kulomunye ummango bebaneliphupho lekuba nesigulumba. Bawakha umfanekiso waso eluhlelweni lwabo, kepha kwakubukeka engatsi abayuze babe nemali leyenele kusitsenga. Nyanga tonkhe uma bahlangana, bebandandaza babute kuNkhulunkhulu kutsi yini labangakwenta kuze ummango wabo ube nguloku Nkhulunkhulu lafise kutsi ube ngiko.

Kwatsi ngalesinye sikhatsi bahlangene, beva engatsi Nkhulunkhulu ukhuluma nabo utsi, 'uma ningavula lendlela leya emasimini, ngitase ngiyaninika sigulumba .' Lisontfo lasukuma masinyane bavula lendlela yabangulebanti kutsi inkhalishi beyingenela.

Kulowo mnyaka bonkhe bebangalima babe nesivuno lesinyenti, ngobe bekungadzingeki kutsi betfwale sivuno sabo ngemahlombe. Ngekusebentisa tinkhalishi kutfwala sivuno sabo, bakhona kutfutsa sivuno lesikhulu ngekushesha. Batsatsa lesinyenti bayotsengisa emakethe, besisesihle futsi lesivuno uma basimikisa emakethe, ngako bakhona kutsengisa ngentsengo lenhle. Letakhamiti talijabulela kakhulu lisontfo baletsa incenye yenzuzo yabo esontfweni. Bekuyimali lenyenti imphele!

Lisontfo lathandaza labuta kuNkhulunkhulu kutsi kwakumele bayisebentise njani lemali, Nkhulunkhulu wabakhumbuta kutsi abebatsembise sigulumba. Lemali bekumele itsenge leso sigulumba.

- Lisontfo lati kanjani kutsi kumele lente ini?
- Kwaba ngusiphi sento selisotfo ngaloko Nkhulunkhulu labakhomba kutsi bakwente?
- Kwentekani ekugcineni?

Lesisibonelo lesimelula lesikhomba kulalela Nkhulunkhulu kwalelisontfo. Kepha buka lokutsi kucale kuphi. Bebahlangu tonkhe tinyanga babute Nkhulunkhulu kutsi yini lokulandzelako lokumele bakwente. Kudzingeka sente lokufanako natsi, kumele sente siciniseko kutsi siyahlangana njalo njalo sibute Nkhulunkhulu loko lokudzingeka sikwente. Kulesinye sikhatsi Nkhulunkhulu angasiniketa ngalokucacile kutsi sibheke kuphi. Kuletinye tikhatsi kudzinga sente lowomcondvo lobukeka ukahle, ngekwetsemba kutsi Nkhulunkhulu utasikhomba uma sikhetsa kwenta lokungesiko. Kepha tonkhe tinyanga kufanele site kuNkhulunkhulu sicele inhlakanipho kuye. Khumbula tindlela takhe tiphakeme kunaletso tetfu.

Kwandzisa KwaNkhulunkhulu

Khumbula kulenzaba yesigulumba.

- Benta ini labantfu kulenzaba?
 - *Bacela inhlakanipho kuNkhulunkhulu, baphindze bavula indlela yabo yekuhamba.*
- Wenta ini Nkhulunkhulu?
 - *Wabaniketa umcondvo, waphindze wenta labantfu bemango banikela ebandleni bakhona kutsenga sigulumba.*
- Kube abazange bakhulisa indlela ngabebaba naso yini sigulumba?
 - *Cha*

Ngaso sonkhe sikhatsi Nkhulunkhulu unencenye ladzinga siyidlale ekwakheni umbuso wakhe. Kumele sicale ngekucele inhlakanipho, kepha kudzingeke siphindze sente loko lasikhombisa kutsi sikwente. Letinyenti tindzaba telibhayibheli, bantfu kwadzingeka kutsi balalele bente loko lokushiwo nguNkhulunkhulu kuze babone ummangaliso.

KUBHUNGA KWESIGUNGU LESINCANE

Ticondziso Tathishela: yehlukanisa bafundzi babetigungu letinebantfu labatsatfu kuya kulabasihlanu (3-5). Lawula sigungu ngasinye kutsi kube nendzaba labayifundzako kutsi lokungenani sigungu ngasinye sidadishe indzaba. Sebentisa **UMCONDZISI WEMFUNDZI** noma wente emapheshana lanemibuto unikete sigungu ngasinye.

Davide na Goliyadi

EmaFilisti noma Israyeli bekasemphini. EmaFilisti atfumela sichwanga libito laso kungu Goliyadi baphocelela kutsi ema Israyeli akhokhe umuntfu etekulwa nalesichwaga. Uma lowo muntfu ancoba, emaFilisti ayobe sekancotjiwe emphini ashiye emaIsrayeli. Ngalokufanako uma Goliyadi ancoba, ema Israyeli ayobe sekancotjiwe ayoba tigcila tema Filisti. Davide abesesemncane kutsi angaya emphini, kepha wenela kuva lesichwaga siphukuta Nkhulunkhulu watikhetsela kuyokulwa naso.

Fundza 1 Samuweli 17: 32 – 49.

- Yini leyentiwa ngu Davide?
 - *Watikhetsela kuyokulwa na Goliyadi.*
 - *Wakhuluma kutsi Nkhulunkhulu utamuniketa kuncoba.*
 - *Wancuma kungatisebentisi timbatfo temphi tenkhosi. Wasebentisa tikhali abetetaye—ematje nesilingi.*
- Wakwentelani loko Davide?

- *Abenekukholwa kutsi Nkhulunkhulu utamsindzisa Israyeli, futsi abefuna kubonakalisa emandla aNkhulunkhulu.*
- Kwaba ngumuphi umphumela?
 - *Wakhona kuncoba Goliyadi. Israyeli wancoba emphini.*
- Kepha uma ucabanga ngabe kwenteka yini loku kube Davide akayanga kuyokulwa?
 - *Empheleni bekungeke. Nkhulunkhulu abengeke angenelele kungakefiki Davide.*

Elisha neMfelokati

Fundza 2emaKhosi 4: 1 – 7.

- Bekuyini simo salomfelokati?
 - *Bekanesikweleti labengakhoni kusibhadala. Emadvodzana akhe abetokuba tigcili.*
- Wentanjani?
 - *Wacela umprofethi waNkhulunkhulu kutsi amsite.*
 - *Weboleka tindziwo kubomakhelwane bakhe. Walandzela umyalo wa Elisha.*
- Wentani Nkhulunkhulu?
 - *Wandzisa lamafutsa kwagcwala tindziwo letinyenti.*
- Kwaba yini umphumela?
 - *Sikweledi sabhadaleka kwasindza emadvodzana akhe.*

Jericho

Fundza Joshuwa 6:1-5, 12-14, 15-17, 20.

- Nkhulunkhulu wabakhomba kutsi bente ini?
 - *Bashaye timphalamphala bagegeletele lidolobha.*
- Benta njani?
 - *Benta imiyalo yaNkhulunkhulu*
- Kwaba yini umphumela?
 - *Bayincoba imphi. Tibondza tadzilika.*

Namani

Lena yindzaba ya Namani. Bekangumkhuteli wemphi yase Siriya — indvodza leyayinemandla lamakhulu. Kepha, abenesifo sebulephelu wase uyeva kutsi ka Israyeli kunemProfethi longamphilisa. Ngakoke wahamba wayobonana na Elisha umprofethi.

Fundza 2 emaKhosi 5:9-14.

- Elisha wamutjela kutsi akenteni?
 - *Aticwilise emfuleni iJolidane kasikhombisa.*
- Wentanjani Namani?
 - *Watfukutsela. Lomyalo bewungawenti umcondvo kuye, ngako abengafuni kuwenta.*
- Kwentekani uma Namani enta lomyalo?
 - *Waphiliswa.*

ASIBUYENI NEMBIKO

Kulesinye sikhatsi letintfo Nkhulunkhulu lasiyala kutsi sitente atiweni umcondvo kitsi. Kepha cishe ngasonkhe sikhatsi Nkhulunkhulu unendzima lokudzinga ayidlale kuze imimango yetfu iphile. Kumele sicale sente loko lasiyala kutsi sikwente—noma ngabe kubukeka kukuncane futsi kungenangcondvo —kepha yetsemba kutsi, uma silalela sente, Nkhulunkhulu uyophilisa imimango yetfu.

KUBHUNGA KWESIGUNGU LESIKHULU

Ase ulalele nayi indzaba.

Tinsita Tekwakha

Emmangweni lotsite wa TCT, lisotfo lativela liniketwa nguNkhulunkhulu insayeya kutsi bakhele bonkhe bantfu kulommango emakhaya lakahle. Bahambahamba benta lucwaningo kulenzawo batfola kutsi betingemashumi lamatsatfu nesihlanu tindlu letasetiwa tidzinga kwakhiwa kabusha noma tilungiswe. Kuleso sikhatsi, emalunga elisontfo acokelela tinsita netimali baphindze banikela ngesikhatsi sabo kucedza lomsebenti. Bakhona kucedza emakhaya lalishumi nesikhombisa kulawa langemashumi lamatsatfu nesihlanu. Kepha, ekubeni bacedze leto tindlu letilishumi nesikhombisa, batfola kutsi besebete emandla ekuchubeka nekwakha lamakhaya lalishumi nesiphohlongo lasele. Kunekuphelelwa ngemandla kuchubeka nekucedza lomsebenti, emalunga elibandla ancuma kuhlangana athandaze angenela sizilo sebusuku bunye bacele Nkhulunkhulu abasite kucedzela lomsebenti .

Ekuseni uma basuka esontfweni, emaloli lamakhulu bekemile ngephandle kwelisontfo adzilila kwekwakha lokunyenti. Badzidzekile, emalunga elibandla agijima kumisa bashayeli beloli babatjela kutsi badzilila endzaweni lokungesiyo. Kute locele noma lobhadalele letintfo tekwakha, futsi kute nalongakhona kutibhadala tonkhe letintfo kulelisontfo. Bashayeli baphendvula batsi letintfo setisetandleni telibandla manje, futsi uma bangatidzingi akubone libandla kutsi litibhekisa kuphi letintfo. Bakhulumisana kwavela kutsi letintfo tikhishwa sitolo tsite ngobeingasadingeki, bebatichosa ngobe bavula indzawo kulesitolo kuze bakhone kufaka tintfo letinsha. Ngako baholi belibandla babuta kubashayeli kutsi lenipho bakhetsa kulahla letintfo embikwelisontfo, bashayeli baphendvula kamelula nje , “ sesihambe kakhulu sesikhatsele kushayela , ngako siva engatsi asitilahle khona lapha kuze sijike sibuyele emsebentini.”

Ngakoke lisontfo latemukela letintfo mahhala. Kwaba ngummangaliso ngobe ngato bakhona kuchubeka bakha bacedza tonkhe tindlu kulommango.

- Kungani lisontfo lifune kwakhela bonkhe bantfu tindlu?
- Lentani libandla?
- Wentani Nkhulunkhulu?
- Ucabanga kutsi Nkhulunkhulu ngabe wawenta yini lomummangaliso kube lisontfo azenge lente loko labakhona kukwenta (kwakha tindlu letilishumi nesikhombisa) kucala?

Ngalokufanako nalomucu lesiwufundzile ebhayibhelini, Nkhulunkhulu wadzisa imetamo yabo emvakwekuba bente loko labangakhona kukwenta —hhay basengakakwenti. Kutikhatsi lapho khona Nkhulunkhulu angasimangalisa khona ngemusa wakhe lonelutsandvo, kepha ecinisweni — umasibuka umbhalo — Nkhulunkhulu ubuka kulalela kwetfu kucala.

Umthandazo

KUBHUNGA KWESIGUNGU LESIKHULU

Asesifundze nawa emavesi lalandzelako. Asifundzisa ini ngemthandazo?

- Johane 14: 13
- Johane 15:8
- Johane 16:23-24

Phindze ubuke kuloluhla lwetintfo lofise kutigucula emmangweni wakho Lolwente esifundvweni sesine. (umangabe selukulahlekele loluhla, yenta lolunye luhla lwetintfo lotifisile emmangweni wakho— cabanga kwengcondvo, kwenyama, kwaMoya, nelushintjo ebudlelwaneni).

- Ucabanga kutsi lolu lushintjo naNkhulunkhulu langafuna lwenteke yini emmangweni wakho?
- Lolushintjo luyawakha yini umbuso waNkhulunkhulu?

THANDAZA

Asesitsatse sikhatsi sithandazeni kanyekanye sicele Nkhulunkhulu aletse lolushintjo emimangweni yetfu.

Ticondziso tathishela: ama senibe nesikhatsi sekuthandaza , dvonsani umoya kancane nibindze embikwa Nkhulunkhulu . Cela labanye babute kuNkhulunkhulu umangabe kukhona lafuna kubakhombisa kona noma inhlakanipho layiniketako kwenta letingucuko. Vumela imizuzu lemibili leyakulesihlanu kube nekubindza, bese uyabuta kutsi kukhona yini labativela kona kutsi Nkhulunkhulu ubakhombisa kona.

Siphetfo

KUBHUNGA KWESIGUNGU LESIKHULU

- Nguyiphi leminywe yemicondvo lemco kwa lesiyifundzile kulesifundvo?
- Sitsembeka kanjani sisigungu kutiniketa sikhatsi sekuthandaza silalele Nkhulunkhulu?
- Sisathandaza ndzawonye, kukhona yini Nkhulunkhulu lasikhomba kutsi sikwente? (uma kukhona, tinikete sikhatsi sekwakha luhlelo lwekucala loko.

Sifundvo Sesikhombisa (7): Indzima Yelibandla ekwakheni Umbuso WaNkhulunkhulu

Ingcikitsi Mcondvo

1. Libandla lidlala indzima lemcokwa ekwakheni uMbuso waNkhulunkhulu emimangweni yetfu.
2. Bonkhe bantfu esontfweni bamcokwa futsi kufanele babe yincenye yekwakha umbuso waNkhulunkhulu nganoma nguyiphi indlela.

Tinsita

1. Insita titfombe – indzima ledlalwa libandla ekwakheni umbuso waNkhulunkhulu sitfombe
2. Insita titfombe – Titfo temtimba emakhadi (14) (wajube abeticucu)

Singeniso

KUBHUNGA KWESIGUNGU LESIKHULU

Esifundvweni sesihlanu sibuke tigaba lokumele sitilandzele kuze kubenengucuko —kucala **ngawe** kuye **emndenini**, kuye **emmangweni**, kuye **eveni** lonkhe. Kephake, kunencenye lemcokwa kusachutjekwa: **libandla**. Kuze wenteke lombono, luhlelo lwaNkhulunkhulu kutsi libandla linenzima lenkhulu lokumele liyidlale kulomsebenti wekuletsa ingucuko.

Fundza baseFesu 1:22-23.

- Yini indzima yelibandla?
 - *Kuphelelisa umsebenti waJesu*

Fundza baseFesu 3:10.

- Usebentisa ini Nkhulunkhulu kwenta inhlakanipho yakhe yatiwe?
 - *Libandla*


Lamavesi akasiko melula kuwacondza kepha asikhumbuta kutsi Nkhulunkhulu unikete libandla indzima lemcokwa ekwakheni umboso yakhe. Libandla lingumtimba waKhrestu. Ngako kungumsebenti welibandla kuphelelisa umsebenti waJesu, kuletsa kubuyisana nato TONKHE tintfo.

- Yini lengenteka uma lisontfo lakho lingavala? Bangakhonona yini labangesiwo emaKhrestu emmangweni? kungentiwa yini kutsi bakhonone noma leni bangeke bakhonone?

Umsebenti welibandla kufanele ubemkhulu emmangweni ngangekutsi bantfu bemmango bangakujabuleli kuhamba ngwelisontfo.

asesakheni sitfombe sisebentise umfanekiso lesifundze ngawo esifundvweni sesihlanu (5) ngekwakha umbuso waNkhulunkhulu. Sicala ngemuntfu munye, kute umndeni, kulandzele ummango, kugcine live. (dvweba lamabhokisi lamane ebhodini noma ukhombise **INSITA SITFOMBE** – Umsebenti welibandla sitfombe sekwakha umbuso waNkhulunkhulu)

umsebenti welibandla kusita kutsi wenteke lomsebenti. (Dvweba libandla emkhatsini



kubenetinkhomba (arrows) letimbeke ngephandle). libandla ngelekuhlomisa bantfu libasite bahlomise imindeni, imimango, kanye nelive lonkhe. Sifanelwe futsi kubuka tindlela tekusita imindeni nemimango ibe nguloku Nkhulunkhulu lakuhlelile.

Kuhlomisa Bantfu Ngamunye

KUBHUNGA KWESIGUNGU LESIKHULU

Ticondziso Tathishela: Niketa TINSITA TETITFOMBE: emakhadi etitfo temtimba kubantfu labehlukene etigungwini. Basukumise babone kutsi baphetse tiphi titfo temtimba. Bese ubuta nayi imibuto kubafundzi bonkhe.

- Ngutiphi titfo letingenamsebenti noma letingekho mcokwa?
- Ngutiphi titfo temtimba letincane?
- Kungentekani ngekususa titfo letincane temtimba?
- Kube letitfo betehlukanisiwe, bewutochubeka yini umtimba usebente?
- Siphe tibonelo kutsi titfo temtimba letehlukene titidzinga kanjani letinye titfo.
- Bewungasebenta njani umtimba kube letinye tintfo betishoda?

Ticondziso Tathishela: Yenta lamanye emalunga ehlise emakhadi awo.

- Ungaba ncono yini nyalo lomtimba?
- Kungaba yini umphumela uma letitfo tingete tabakhona?

Ticondziso Tathishela: khetsisa bafundzi titfo letimcokwa babeke phansi leletinye.

- Umtimba ungakhona yini kusebenta nyalo? Leni ungeke —sisenato titfo letimcokwa, angitsi?

Fundza baseKhorinte 12:12-20.

Nyalo, ase sakheni luhla lwemisebenti libandla lelitimbhandzakanya kuyo.

Ticondziso Tathishela: Yakha luhla ebhodini noma esitfombeni. Bese ubuketa nawa emaphuzu lalandzelako:

- Emtimbeni sonkhe sitfo simcokwa. Libandla kumele lifanane nemtimba — lonkhe lilunga esontfweni limcoka kwakha umbuso waNkhulunkhulu. Kute lilunga lokumele lingabimcokwa. Ngabe lonkhe lilunga esontfweni lidlala indzima lemcoke yini? Bakhona yini bantfu labatsi, uma bangekho esontfweni, kungevakali kutsi abekho ekukhonteni kwelibandla?
- Bangakhi ekhulwini esontfweni labasebentako enkhonzweni? (amakulinani lelincane tribute —*bangakhi bantfu labakhona esontfweni? Bangakhi kahle kahle labakhako emisebentini yelibandla?*) bangakhi nje mbamba ekhulwini labangenti lutfo noma labangasebentiswa? (*buta kutsi ekhulwini bangakhi bafundzi lokumele babeke phansi emakhadi abo.*)
- Bekungaba njani kube ekhulwini ngumtimba wakho kuphela losebentako? Loku kungiko yini ebandleni? Kube bekuyincenye lenkhulu ekhulwini ligalelo lelibandla belingaba likhulu yini?
- Yini lesingayenta kute sihlangabetane nalenkhinga?

Kungani Kufanele Wonkhe Umuntfu Akhonte (asebente)?

KUBHUNGA KWESIGUNGU LESIKHULU

Fundza baseFesu 2:10.

- Sisindziselwe kwentani?
- Kepha bantfu bonkhe labasindzisiwe benta imisebenti lemihle yini noma yincenye yabo?
- Bayayenta yini imisebenti lemihle bonkhe bantfu esontfweni lakho?

Fundza Matewu 25:14-30 – Umfanekiso wemathalente.

- Usafundza lomfanekiso, ucabanga kutsi uyaveta yini kutsi akhona lamanye emaKhrestu lokungafanele asebentise emakhono awo kwakha umbuso waNkhulunkhulu?
- Kepha emaKhrestu onkhe esontfweni lakho ayawasebentisa ngalokuphelele yini emakhono awo?
- Singabasita kanjani labanye bantfu basebentise emakhono abo ekwakheni umbuso waNkhulunkhulu?

Ekwakheni umbuso waNkhulunkhulu kudzinga SONKHE sisebente kanye kanye. Yebo umuntfu munye angakha incenye yembuso waNkhulunkhulu, kepha singawakha umbuso waNkhulunkhulu ngalokwenetisako uma lisontfo lonkhe lingacala kuphila ngekwentsandvo yaNkhulunkhulu kutotonkhe tinhlangotsi tekuphila baphindze basite labanye ekwenteni lokufanako. Cabanga nje sekutsiwa bonkhe bantfu esontfweni lakho batimisele kubona intsandvo yaNkhulunkhulu yenteka etimphilweni tabo, esontfweni, nase mmangweni. Kungentekani nje esontfweni nasemmangweni?

Fundza baseFesu 4:11-12.

- Ngumuphi umsebenti webaholi (baphostoli, baprofethi, bavangeli, bafundisi, kanje nabothishela)?
- Emasontfweni lamanyenti kutsiwa labalishumi ekhulwini benta umsebenti webantfu labangemashumi layimfica ekhulwini. Kunjalo yini esontfweni lakho? Singakushintja kanjani loku?
- Singabancono kanjani ekwakheni labanye, kuze bakhone kwenta imisebenti yekukhonta?

Nasisibonelo:

Kunesisho lesitsi labo labafundza baphindze bakhule sonkhe sikhatsi ngulabo labakhonta labanye. Kulela laseNdonesia bekukhona emavolontiya bekasebenta nensha. Nekuba lamavolontiya abefundzisa lensha maviki onkhe, bekubevisa kuhlangu indlela lama Khrestu bekabutsakatsaka ngayo nangendlela labakhula kancane ngayo. Bacabanga batsatsa sincumo kutsi lensha kufanele icala kukhonta, ngako babeka umtsetfo lomusha lotsi bantfu labavumeleke etifundvweni tasekhatsi neliviki ngulabo labakhontako kuphela. Insha lenyenti yase icala kukhonta emisebentini leyehlukeni. Bebenta konkhe kusukela ekufuneni imindeni leyenswele kuloyo mmango kuya ekusiteni bantfwana labahluphekile babafundzise emakhono basite nakusontfo sikolo. Kwaba tinyanga nje letimbalwa lamavolontiya acala kubona kutsi lensha seyicala kukhula mbamba ekukholweni kwayo Sebayati nekutsi kufanele bafundze libhayibheli labo baphindze bathandaze. Sebayabona nekutsi kufanele betsembe Nkhulunkhulu kutsi abasite kuze bakhone kusita labanye bantfu.

- Kwentekani kulenzaba?
- Ngutiphi letinye tindlela lensha leyacala yakhonta ngato?
- Bakhona yini bantfu lowake wababona bakhula ngekutimbandzakanya ekukhonteni esontfweni?
- Ucabanga kutsi kwentiwa yini bantfu bacale kukhula uma bakhonta?
- Nguliphi liphuzu noma sifundvo lesisitfolako kulenzaba (*kukhonta labanye kuyasakha ekukholweni kwetfu*)

Kugucula Imindeni

Libandla lingadlala indzima lenkhulu ekusiteni imindeni iphile ngekwenhloso yaNkhulunkhulu.

Libhayibheli likhuluma lokunyenti ngebumcoka bemndeni. Ecinisweni, kubase Fesu 5:25-33, Nkhulunkhulu usitjela kutsi budlelwane emkhatsisini wendvodza nemfati kumele bufanane nebudlelwane Jesu lanabo nelibandla. Ngalamanye emagama, bantfu kufanele babuke umshado wema Khrestu nendlela indvodza lephetse ngayo umkakhe bese bayati kutsi Khrestu uliphetse njani libandla. Umndeni umcoka.

Umangabe imindeni emimangweni icinile, kanjalo imimango itakuba ng'lecinile. "Kepha, uma ngabe imindeni yephukile nalebutsakatsaka, nemimango itakuba njalo.

Ngakoke, KUMCOKA kutsi libandla libuke ematfuba lisite bantfu bakhone kukhonta imindeni yabo bayisite ikhone lemindeni kuphila njengekuhlela kwaNkhulunkhulu i. Ngekwenta njalo, labanye batonaka bafundze kulemindeni lesesontfweni, loko kungenta lomkhulu umehluko emmangweni. Isaba ngulecinile imindeni yetfu kanjalo nemimango nelive lonkhe!

KUBHUNGA KWESIGUNGU LESINCANE

- Ngutiphi letinye tindlela libandla lelingasita ngato kuze imindeni ikhule ibeng'lecinile?
 - *Timfundziso temindeni nemshado emasontfweni kanye nasemimangweni*
 - *Timfundziso tebutali*
 - *Tifundvo tetigungu talabasha kanye nebantfwana kute bacecesheke*
 - *Kwakhiwe ematfuba imindeni ikhonte kanye kanye emasontfweni, enkhonzweni, emmangweni (Imisebenti yelutsandvo)*

ASIBUYISENI UMBIKO

Kugucula Imimmango

KUBHUNGA KWESIGUNGU LESIKHULU

Silibandla singayigucula imimmango yetfu ngetindlela letinyenti. Tindlela letintsatfu letimcoka lokumele sitisebentise emimmangweni ngunati:

1. Khulisa linani lemaKhrestu

Lena akusiyo lendlela levamile yekukhulisa emasontfo etfu abemakhulu. (sikwenta loko ngekwenta timvu—sikhiphe emalunga kulelisontfo leli aye kulelinye.) kukhulisa linani lema Khrestu kusho bantfu labanyenti labangesiwo emaKhrestu atane naNkhulunkhulu emukele khrestu njengeNkhosi nemsindzisi wabo. Emasontfo adlala indzima lenkhulu ekusiteni bantfu bacondze livangeli baphindze babebafundzi nemaKhrestu lamasha.

2. Fundzisa ummango kutfobela ente lokushiwo nguNkhulunkhulu

Njengobe sifundzile, Nkhulunkhulu usidalile, futsi uyati kutsi yini lokusilungele. Usivetele ebhayibheli kutsi kumele siphile kanjani. Singafundzisa futsi labanye tisekelo temigomo yelibhayibheli. Njengelibandla singacala sibuke ematfuba sisite bantfu batfobele Nkhulunkhulu ngekwenta lakushito kuto tonkhe tinhlangothi tekuphila kwabo. Nalabo labasengaka fisi kuba ngemaKhrestu bangakujabulela kufundza ngetemphilo, ngekutsi ubanjani nemshado locinile, nekutsi imali iphatfwa kanjani ngekuhlakanipha. Letimfundziso leti tiphindze tisite bantfu kutfutukisa timphilo tabo basaphila ngekwetimiso telivi laNkhulunkhulu kuphindze kusitakale budlelwane kulabangesiwo emaKhrestu kanye nelibandla.

3. Kusitakala imimmango iphile ngekwenjongo yaNkhulunkhulu ngekwenta imisebenti

Kumcoka kutsi imimmango yetfu ingagcini ngekuva ngelutsandvo lwaNkhulunkhulu nentsandvo yakhe kutotonkhe tinhlangothi tekuphila, kepha nekuyibona. Akesibone kutsi libhayibheli lisifundzisa ini ngaloku.

KUBHUNGA KWESIGUNGU LESINCANE

Fundza lamavesi bese uphendvula lemibuto lelandzelako:

- Matewu 20:28 – Ute kutokwentani Jesu?
- BaseFiliphi 2:4-9 – Pawula umchaza kanjani Jesu?
- Jakobe 1:27 – Nguyiphi inkholo lejabulisa Nkhulunkhulu?
- Makho 12:31 – Nkhulunkhulu usiphocela kutsi senteni?

ASIBUYISENI UMBIKO

Jesu wetela kukhonta. Ecinisweni, uma libhayibheli itsi, 'Anesimo saNkhulunkhulu,' liphindze litsi, 'ngekuba abengu Nkhulunkhulu', akazange atsi kulingana naNkhulunkhulu kuyintfo yekunkhonkoshelwa, kepha watidzela, watsatsa simo senceku/ sekukhonta. 'cabanga nje, ngobe abengu Nkhulunkhulu watidzela,

watsatsa simo senceku . Simo saNkhulunkhulu kukhonta/ kubayinceku. Njengobe libandla ngumtimba waKhrestu, simo selibandla naso kufanele sibekukhonta.

KUBHUNGA KWESIGUNGU LESIKHULU

Lutsandvo lwetfu lwaNkhulunkhulu nabomakhelwane kufanele lusente sikhonte. Ngelokufanako njengobe naKhrestu etela kutokhonta, injongo yelibandla kukhonta ngekusita bantfu kutsi bati baphindze bakhule kuKhrestu bakhombise lutsandvo lwakhe kulabanye.sisakhonta imimmango yetfu , sitayibona iguculwa . Akesifundzeni indzaba yemmango lowaguculwa ngekukhontwa lisontfo.

Sikolo Semmango

Kagishu, lidolobha leliphuyile lelisifihlilili linemakhaya lakhiwe ngemathayela lagugile kanye nemaplango lamadzala, linelibandla leninemalunga lalishumi nesihlanu. Lelisontfo latfola simemo sekuhlanganyela kukhomfa yekucecshwa kwenkhonzo yekupheleliswa, ngako bancoma Meshaki, lijaha lelineminyaka lengemashumi lamabili namibili , kutsi amelele libandla . Meshaki wabuya nembono lomusha: ‘ngifundze kutsi kulalela Jesu siphoclekile kukwenta!’ ngako Meshaki, lomdzala welibandla libito kungu Dismus , umfundisi , kanye nemfati wemfundisi bathandaza , babuta Nkhulunkhulu ngemsebenti labangaweka kukhombisa lutsandvo lwaNkhulunkhulu emmangweni wabo . Yefika imphendvulo: calani sikolo semfundvo yelibanga leliphansi sebantfwana lasontfweni.

Masinyane bavele bakhuluma nemalunga elibandla lanebantfwana bebangakhoni kubabhadalela letotindleko letincane etikolweni tahlumende. Kwabakhona labavumako kutfumela bantfwana babo kulesikolo lesisha .’ Lesikolo besite nalabacecshelwe kufundzisa, Meshaki , umfundisi , kanye nemfati wemfundisi bacala bafundzisa bantfwana labalishumi nalabatsatfu , kusuka eminyakeni lesitfupha kuya eminyakeni lelishumini namibili , bebafundzela esontfweni kungekho nematafula , tincwadzi, netinsita . Liholo lekucala laMeshaki walitfola enyangeni yesikhombisa —kwaba yimali lengalinganiselwa edoleni linye laseMelika lokuyimali leyaphuma kubatali ngekubhadalela bantfwana kanye nemnikelo.

Meshaki kanye na Dismus bamema bantfwana bemimmango lebomakhelwane, lesikolo sakhula. Kwaba nebafundzi labangemashumi lamane nesihlanu beminyaka leyehlukahlukene bafundza ndzawonye. Thishela lomunye wesibili watinikela enyangeni yesitfupha, nalomunye futsi wesitsatfu enyangeni yemfica. Bafundzi bese balikhulu, bothishela bebafulatselana khona lapho esontfweni kubenguloyo anake labo bantfwana labafundzisako. Basakhwesha bomakhelwane, sikolo sasitfola indzawo lenkhulu. Satsi sikolo nasineminyaka lemibili sicalile, bese sinetakiho letimbili letinetindlu tekufundzisela (class) letingetulu kwelishumi letatisebenta nekukhontela ngelisontfo.

Emnyakeni lolandzelako libandla latsenga sicephu semhlabatsi endvute nase Kawangware, bakha lapha sakhiwo sabo lesingiso sibili, base bayasuka bayakhona. Kulomnyaka wesitfupha bese kunabothishela labalishumi nesikhombisa lababhadalwako, basihlanu bantfu labasebenta leminyane imisebenti ngephandle kwekufundzisa kanye nebafundzi labangemakhulu lamane nemashumi lamane nalabasihlanu ngetulu. Loku bekusicalo nje sendzaba yalomango, lesikolo, kanye nalelibandla. Engani umphumela wemetamo wabo kwaba sikolo semfundvo lephakeme lesakhiwa emmangweni longumakhelwane sasinebantfu labalishumi labasebentako kanye nebafundzi labangemashumi lasitfupha. Lelinye lisontfo lacala indzawo yekunakekela bantfwana labancane emini ngesikhatsi bomake babo basemsebentini, bacala ngebantfwana labangemashumi lamabili. Kukhonta kwabo kwakhula babangemashumi lasitfupha baphindze bacala emagatja lamanye lanemalunga langemashumi lamane. Ngaliye lalamasontfo latala emasontfo lamabili lamasha etindzaweni lehlukene.

Eminyakeni lesitfupha yekulalela ngekutinikela kwalelisontfo lelincane nemalunga, kwaba nengucuko lenkhulu lebonakalako kulomango nemasontfo akulenzawo. Ecinisweni, kukhanya eKagishu kwenta emalunga alomango ancome kushintja ligama lalenzawo kungasashiwo kutsi kuse Kigashu (lokwakusho kutsi “Umukhwa”) yase ibitwa ngekutsi kuse Ruita (lokusho kutsi “kususwa kwebungoti”).

- Kwentekani kulenzaba?
- Belilikhulu kangakanani lelisentfo ekucaleni?
- Kubeyini umphumela wemetamo yabo?

Kuvunwa Kwemasimi

Kulomunye ummango bekungumkhuba wabo kutsi ngesikhatsi sekuvuna lamalunga emmango ente lilima avunisane. Kephake, loyo lolekelelwako bekalungisa kudla lokunyenti nekwekunatsa kulawo malanga letakhamiti letim'vunisa ngawo. Ngenhlanhla lembi, lomnikati wensimi abegcina akha inzuzo lencane ngobe alahlekelwa kakhulu ngekuphekisa lelilima.

Libandla lase lenta sincumo kutsi, Njengemsebenti Welutsandvo, batosita emalunga emmango leswele kakhulu bawavunise ngaphandle kwekubabhadalisa. Lokungenani nguloyo beketa nekudla kwakhe. Abona emalunga emmango indlela libandla lelikhonta ngayo labo labeswele, bavumelana nabo kusitana kungadzingeki kudla nekwekunatsa.

Lomuhla bonkhe bayasitana ekuvuneni. Kute lolungisa kudla noma tjwala. Ngenca yaloko Sivuno labalimi labasitfolako sesikhulile kakhulu, sebanekudla lokucedza umnyaka wonkhe.

- Lisontfo lenteni kusita lommango?
- kwabanguliphi ligalelo? Ngutiphi tingucuko letenteka emmangweni?

Siphetfo

KUBHUNGA KWESIGUNGU LESINCANE / IMISEBENTI

- Ngutiphi letinye tintfo lisontfo letfu lelingatenta kukhonta ummango?
- Lisontfo letfu lingabasita kanjani bantfu ngamunye kuze bakhone kuphila njengobe Nkhulunkhulu ahlelile?

ASIBUYISENI UMBIKO BESE SIYATHANDAZA

Khulula sigungu ngasinye sivete imivo yabo kubafundzi bonkhe. Yephetsa ngemthandazo siceleni Nkhulunkhulu asikhombise kutsi singayikhonta njani imimmango yetfu siphindze siphile ngekwenjongo yakhe.

Sifundvo Sesiphohlongo (8): Tinyatselo Letilandzelako

Ingcikitsi Mcondvo: kufanele sakhe luhlelo siphindze sibe nenjongo ngetintfo letimcoka emphilweni fana nemisebenti yelutsandvo.

Tinsita

1. Umcondzisi Wemfundzi: Tinyatselo temisebenti yelutsandvo
2. Luhla lwetingucuko lolusesifundvweni sesine (4)

Kumcoka Kani Kuhlela

KUBHUNGA KWESIGUNGU LESIKHULU

Asifundzeni lenye lindzaba:

Umnumzane Lim, longu'mlimi, wahamba ayewulungiselela insimu yakhe kuze atewuhlanyela. Asesendleleni, wakhumbula kutsi umkakhe abemcele kutsi ondle tinkhukhu. Ngako wabuyela ekhaya, watsatsa kudla kwetinkhukhu, wahamba ayakondla. Asachubeka nekondla tinkhukhu, Wanaka kutsi sibaya setimbuti besifutekile. Kwamhlupha loko ngobe uma singete salungiswa masinyane letimbuti betitofohla. Wabuyela ekhaya wafuna daladi wekulungisa lesibaya. Ngekutsi bekete langakusebentisa kulungisa; waya kumakhelwane wakhe umnumzane, Son, weboleka lokungamsita kulungisa lesibaya. Ngobe bese avele avakashile, watiniketa imizuzu acoca nemnumzane Son, lobekasandza kuphendvuka esontfweni kani futsi bekevile kutsi unebulukhuni bekabhekene nabo emphilweni.

Kwatsi nase kushaye insimbi yelishumi nakunye yagabanca (11:30) umfati wemnumzane Son wabuta kutsi angakujabulela yini kutsi ahlanganyele kanye nabo badle kudla kwasemini. Ngekubuka sikhatsi Lim wacolisela wabuyela ekhaya ajake kuyokudla kanye nemndeni wakhe. Ngemuva kwekutsatsa sitfongo sekadliile wahamba wayocedzela kulungisa lesibaya setimbuti. Watsi asacedzisa lowomsebenti, umkakhe wamkhumbuta kutsi ingwedlo emtfonjeni beyingasebenti wacela kutsi njengobe aphetse lamathulusi emnumzane Son bekungaba kuhle awasebentise kuyilungisa nayo. Latsi nalishona lilanga, bese aya ngakhona kucedza kulungisa nalengwedlo. Kepha, abesolo angakayi ensimini kuyohlanyela. Noko wativela enetiseka ngekwati kutsi ekuseni ngakusasa utovuka acedzise ingwedlo bese ubuyisela emathulusi. Laphoke bese angaya kuyohlanyela.

- Kwentekani kulendzaba?
- Letintfo latentia bekutintfo letimbi yini noma bekutintfo letifanele?
- Bekutaba ngumuphi umphumela kube lomlimi wachubeka nekusebenta ngalendlela angahleli ngekuhlanyela?
- Kuyenteka yini wena ube nemalanga lafana nalawa?
- Singacinisekisa kanjani kutsi loku akwenteki kitsi?

Esikhatsini lesinyenti taba tetfu tekukhonta imimmango yetfu tiyefana nelusuku lwalendvodza. Sehla senyuka singanaki kutsi yini lokumcoka kakhulu lokudzinga sikwente. Intfo yekucala ledzinga sitsatse sincumo ngayo kutsi yini lokumcoka lokudzinga sikwente. kwati kutsi yini lemcoka kusisita ekutseni sikwati kutsatsa tincumo letingito ngekutsi sisisebentisa kanjani sikhatsi setfu.

- Yini letinye tetintfo letimcoka lodzinga kutenta etinyangeni letintsatfu kusuka lamuhla kuze uphumelele kwakha umbuso waNkhulunkhulu emmangweni wakho?
 - *Kuthandzaza ucitise sikhatsi naNkhulunkhulu – uletse Nkhulunkhulu emisebentini yetfu yetinsuku tonkhe asisite sikhone kubona loko lokumcoka!*

- *Kufundzisa labanye – uma sifise kubona titfo letinyenti temtimba tikhonta kufanele sifundzise letinye taletifundvo lesesitfundzile.*
- *Kuhlela imisebenti yelutsandvo – kufanele sichubeke nekwenza imisebenti yelutsandvo malanga onkhe.*
- *Sihlangane ndzawonye tikhatsi tonkhe singumtimba wa Khrestu sicinisane siphindze sikhutsatane.*

Imihlangano

KUBHUNGA KWESIGUNGU LESIKHULU

Kulesivundvo, sinaka kakhulu Imisebenti yelutsandvo. Kulandzelela sifiso sakho sekwenza Imisebenti Yelutsandvo, kufanele sikhethse litsimba lelitolhlangana ngetikhatsi tonkhe lihlele Imisebenti yeLutsandvo. Empheleni, kumele kube yikomidi yelibandla futsi kungenteka ngemhlangano lowetayelekile welikomidi umangabe ikomidi yelibandla ikhona kuhlangana emahlandla enyangeni .

- Ngutiphi tintfo leningatenta uma nihlangana?
 - THANDAZANI – Kungemandla aNkhulunkhulu kubona imimmango yetfu iguculwa. Kufanele sichitse sikhatsi emthandazweni umangabe sitimisele ngengucuko.
 - Cabangani imicondvo leningayenta kusita imimmango yenu.
 - Yakhani tincumo ngemisebenti lemisha yeLutsandvo.

Emihlanganweni tiniketeni sikhatsi sekuthandaza nidzingidze tidzingo temmango. Thandazani ngekutsi **umangabe** nitawusita nitosita **kanjani**. Lokwengetekile, kufanele nibukisane ngeMisebenti yeLutsandvo wekugcina netame kucondza kutsi yini leyahamba kahle noma yini lengazange ihambe kahle. Yini lokwehlukile leningakwenza ngemuso?

Imisebenti yeLutsandvo

KUBHUNGA KWESIGUNGU LESIKHULU

Nisigungu, buketani tinkhomba teMisebenti yeLutsandvo.

Ticondziso Tathishela: *nisabuketa letinkhomba telutsandvo, naka kutsi bafundzi bayakhumbula yini letinchazelo tetinkhomba telutsandvo.*

- 1. Yentelwa kukhombisa lutsandvo lwaNkhulunkhulu**
Injongo yetfu akusiko kuphendvula bantfu (yebo kona kusifiso setfu kubona bantfu batana naNkhulunkhulu) kepha kubakhombisa lutsandvo lwaNkhulunkhulu. Asifuni kutsi bativele baphocelelwa ngalemisebenti yelutsandvo, kube sengatsi sifuna baye esontfweni .
- 2. Yentiwa ngekulalela/ kutfobela Nkhulunkhulu**
Ngalesinye sikhatsi lemisebenti yelutsandvo ayiyenti ingcondvo. Asimani nje sikhethse kwentela labahluphekile lutfo tsite emmangweni. Kepha, senta loko Nkhulunkhulu lasikhomba kutsi sikwente— noma ngabe kusibita kutsi sitsandze umholi wetigebengu!
- 3. Lomincane Nalokumelula**
Sifuna kugcina imisebenti yelutsandvo ibe ngulemincane futsi ibemelula kuze kungabi lukhuni kucedza futsi bantfu labanengi batofaka sandla.
- 4. Yentiwa kusentjentiswa loko lokukhona**
Sifuna kusebentisa tinsita letikhona emimmangweni yetfu. Kusebentisa lesinako — kunekumela labatasisita — kuyindlela yekukhombisa lutsandvo emmangweni wetfu. Njalo nje umasisebentisa lesinako, Nkhulunkhulu uyakwandzisa.
- 5. Yentiwa ngemandla aNkhulunkhulu**
Siyophelelwa ngumdladla umasenta imisebenti yelutsandvo ngemandla etfu. Thandazani nicele Nkhulunkhulu aniphe lamandla ladzingekile.
- 6. Sebentisani bonkhe bantfu labakhona ngebunyenti babo**

Sifuna kumbandzakanya bonkhe bantfu ngebunyenti babo ekwenteni imisebenti yelutsandvo , hhayi ngetimali nje kuphela kepha bakhonte ngemakhono nemandla abo . Sifise kubona umtimba wonkhe waKhrestu usebenta emmangweni .

7. Yentiwa kuze Nkhulunkhulu advunyaswe

Ekupheleni kwemisebenti sifuna yonkhe inkhatimulo iye kuNkhulunkhulu!

Nyalo, buka loluhla lwemicondvo yelushintjo emmangweni wakho lolwente esifundvweni sesine (4).

THANDAZA

Nisigungu, thandazani kutsi ningenta njani kuze lokungenani kunye lokukhona kuloluhla kufezeke. Tiniketeni sikhatsi kulalela Nkhulunkhulu nikhulumisane ngaloko lanikhombisa kona.

YAKHANI LUHLELO:

Buketani letinyatselo/tigaba temisebenti yelutsandvo letitfolakala **KUMCONDZISI WEMFUNDZI**. Khetsani letingucuko bese kanyekanye nihlela leMisebenti yeLutsandvo kusita kutsi yenteke.

Tinyatselo/tigaba teMisebenti yeLutsandvo

Sinyatselo sekucala (1): Thandaza

Intfo yekucala yekwentiwa kuthandaza. Sale nitsatsa sikhatsi nithandaze. Celani Nkhulunkhulu anikhombise kutsi nenteni ngeMisebenti yenu yeLutsandvo. Yentani siciniseko kutsi niyatiniketa sikhathana sekubindza nilalele Nkhulunkhulu.

Sinyatselo Sesibili (2): khetsani lenitakwenta

Nisigungu, ncomani kutsi nitakwenta muphi uMisebenti weLutsandvo. Kepha Nkhulunkhulu unikhanyisele yini? Umangabe akhona lonemcondvo longenta uMisebenti lomuhle weLutsandvo, bacele bayivete. Phindze ubuke leminyane imicondvo lekuloluhlelo lesesifundvweni sesihlanu (5): Nkhulunkhulu ufuna libandla lisite nasesifundvweni sesitfupha (6): ngutiphi letinye tetidzingo lesingasita kito. Ndzawonye, vumelanani ngaloko leniva kutsi Nkhulunkhulu uniholela kutsi nikwente.

Umangabe senikhetsile sihloko, yentani siciniseko kutsi yintfo leningayenta iphele ngelilanga linye nje. Letinye tigungu tikhetsa lokukhulu. Chubekani nicabange intfo leningayenta ngelilanga linye iphele, nisebentise leninako endzaweni, futsi nimbandzakanye bonkhe bantfu leningabafola.

Ticondziso Tathishela: Umangabe nenta luhlelo ngetigungu letincane, *tonkhe tigungu ativete imicondvo yato nalabanye kanjalo.*

- Iyalikhomba yini lutsandvo?
- Mincane futsi imelula yini?
- Ingentiwa ngetinsita letitfolakala endzaweni yini?
- Imbandzakanya bonkhe bantfu labakhona yini?

Sinyatselo sesitsatfu (3): lungisani luhlelo

Bukisanani nayi imibuto lelandzelako. Umakungenteka, akubekhona lobhala letimphendvulo kuze ningakhohlwa.

- Nitakwenta ini?
- Yini tinsita lenitidzingako? Nitatitfolakala kuphi letotintfo? Ngubani lotatitfolakala?
- Nitosita bani?
- Bobani labatofaka sandla ekusiteni? Ngubani lotomema bonkhe bantfu?
- Nibeka maphi emalanga ekucala kusebenta?

Ticondziso Tathishela: *umangabe bafundzi basebenta ngesigungu lesincane, tonkhe tigungu ativete tinhlelo tawo . Tigungu ativete imivo letinayo lengacinisa letinhlelo.*

Sinyatselo sekucala (4): Thandaza

Umangabe senicedzile kubhala luhlelo, phindzani nitinikete sikhatsi nithandaze futsi. Celani Nkhulunkhulu anisite nicedze lomisebenti aphindze andzise lemiphumela. Thandazani kutsi libito lakhe likhatimuliswe. Evikini

linye noma lamabili, nisalungiselela lomsebenti wenu, kufanele nithandaze kutsi Nkhulunkhulu anisite ngalomsebenti.

Ticondziso Tathishela: *chazela bafundzi kutsi timbili tinyatselo lesingeke sitente lamuhla. Bese ufundza inchazelo yaletinyatselo letimbili letisele.*

Sinyatselo sesihlanu (5): Yenta umsebenti

Sinyatselo lesilandzelako kwenta umsebenti leniwuhlelile. Calani lusuku ngemthandazo ninikele taba tenu kuNkhulunkhulu. Khumbulani kutsi nenta lomsebenti kukhombisa lutsandvo lwaNkhulunkhulu emimmangweni yenu. Yetamani kutsi kutiphatsa noma kwenta kwenu kuhambisane nalenjongo lenifise kuyenta.

Sinyatselo sesitfupha (6): Hlatiyani umsebenti bese nibhala umbiko

Sinyatselo sekugcina ngumbiko nekuhlatiya umsebenti. Sindzingelani kuhlatiya? Ngobe kuisita kutsi sifundze. Singacabanga ngaloko lesikwente kahle naloko lokudzinga sikwente kancono ngemuso.

Akudzingeki kuze kube sikhatsi lesidze; ningatsatsa sikhashana (imizuzwana) nje kudzingidza lemibuto:

- Yini lokuhambe kahle?
- Yini lokungakahambi kahle?
- Yini lokudzingeka sikwente kancono kuloluhlelo?
- Lomphumela ubenjenge kufisa yini? Uma kungenjalo, leni?
- Nkhulunkhulu ukhatimilisiwe yini?

UMTHANDAZO

Ticondziso Tathishela: *vala ngemthandazo —Nisigungu lesikhulu, etigungwini letincane noma ngababili umangabe sivuma sikhatsi.*